

सानसेयारि "बड'सा" खौरलाइयाव समाज्यादि जिउजो लोब्या थानाय रायथाय, खन्थाय, सल, सल'बाथा आरो दावबायारि थायनि, पार्क बाइदिनि सायाव लिटरनाय लिटरिदो दैथाय हर। सानसेयारि "बड'सा" खौरलाइया सेवखानाबे फोसावगोन।

बड'सायाव लिटरनायनि ह दा खालाम, "बड'सा" खौ नौर्या, जो बयवो ओगो खालाम।

सानसेयारि बड'सा मावखुलि

माइबं नोगोर, जोहोलाव दैमालु लामा

कक्राझार, बिटिस-783370

Website: www.bodosanewspaper.com

सानसेयारि बड'सा



BODOSA ★ A Bodo News Daily ★ Thursday ★ 17 June, 2021 Kokrajhar, BTC, Assam ★ Vol.- 31, Issue No. 82 ★ R.N.I.Regd.No.40994/91, AssamGovt.Regd.No.IPRD.40/2006/13, ★ Rs.8/-

गिबि मन्थि शर्माआ दै रानसारथाय आरो हा सरेखाथि बिफाननि बिबानगिरिफोरजों मेल जथुमदों

दिसपुर, 16 जून: गिबि मन्थि डो हिमन्त बिश्व शर्माआ दिने गुबुन गुबुन बिथांखिफोर मावफुं'नायखौ खौरां लानो थाखाय दै रानसारथाय आरो हा सरेखाथि बिफाननि बिबानगिरिफोरजों जुथाय मोनसे मेल जथुमदों। बे मेलयाव गिबि मन्थि शर्माआ राइज्यो नाइ दै रानसारथाय आरो हा सरेखाथि बिफाननि बिथांखिफोर मावफुं'नायको थानाय आयदानि सायाव बिफाननि बिबानगिरिफोरनफ्राय खौरां लायो। लोगोसे



सोलिगसिनो थानाय गासै बिथांखिफोरखौ थाबे नो मावफुंजोबनायनि थाखाय रहा

लानो बिफानखौ खावलायो। बिथांखिफोर मावफुं'नाय लोगोसे दै रानसारथाय आरो हा सरेखाथि बिफाननि गोबां आद्रा जानानै थानायनि रोखा फोरमायथिखौबो दिनेनि बे

मेलनि गेजेरजों खौरां लायो। बिफाननि बिबानगिरिफोरा मोब्लिबयारि जेना, मेकानिकेल आरो इन्जिनियारफोरनि थोब्ले-मब्लेनि थाखाय गोबां बिथांखिफोर आद्रा जानायनि (□ 5 बिलाइआव)

मिरु सरकारा बरमाआव भारतीय राव मुलुगसोलोंसालिनि सा-सान्जा बाद गायसननो थांखि लादों

बाक्सा, 16 जून: बि टि आर गोरोबथा बादियै बाक्सा जिल्लानि बरमायाव बड'फा उपेन्द्र नाथ ब्रह्मनि मुडै मिरु मुलुगसोलोंसालि गायसननो साखा-फारा खालामबाय थानाय समावोनो

जिल्लानि बरमायाव मिरु सर कारा गुबुन गंसे मुलुगसोलोंसालिनि बाद गायसननो थांखि लानाया बाक्सा जिल्लानि सुबुंफोरखौ रंजाखांहोदों। मिथिनो मोन्याय बादिब्ला मिरु सरकारा सा-

सान्जानि राज्योफोरखौ लाफानानै भारतीय राव मुलुगसोलोंसालिनि मोनसे बाद गायसननो थाखाय गासै बो बिथि'खौ नायबिजिरानानै आसाम (□ 5 बिलाइआव)

मेट्रिक आरो हायार सेकेन्डारि आन्जादनि सायाव 18 जुनआव थि खालामनाय जागोन: केशव महन्त

गुवाहाटी, 16 जून: दिनेनि खुं'नाय के बिनेट जथुम्यायाव आथिखालनि कभिड-19 नि थासारिनि सायाव गुवारै सावरयलायनानै फेगौ समाव खुं'नो गोनां मेट्रिक आन्जाद, हाइ माइसा आरो हायार सेकेन्डारि जोबथा आन्जाद खुं'नायनि सायाव रोखा थांखि लानाय जायो। थांखि लानाय बायदियै फेगौ 18 जुन खालारनि उनाव सोलेंथाय बिफानआ गासैबो बिथिडव सावरयलायनानै बेनि सायाव थांखि लानाय जागोन होनानै सरकारि सुलुडव



मिबिथिहोदों। मख'नो गोनांदि, दिने खौरांगिरि मेलयाव देहा बिफाननि मन्थि के शब

महन्तआ बुंथिदोंदि, आथिखालनि कभिड-19 नि थासारिखौ नोजोर होनानै थानाय

बोसोरनि बायदिनो मेट्रिक आरो हाइयार सेकेन्डारि आन्जादखौ खुं'नाया जाथावना नडा। अब्लाबो बे थांखिया रोखा जायाखै। बे बिथिडव फेगौ 18 जुनआव सोलेंथाय बिफानजों लोगोसे गुबुन गुबुन दोलो आफादफोरजों जथुमलायनानै गोथोवै सावरयलायनि गेजेरजोंसो बे थांखिखौ आजवनाय जागोन होनानै फोरमायथिदों।□

ए आइ आर गुवाहाटीनि प्रग्राम अफिसार नरेश्वर चैनारिनि रुंसारि जानायखौ बर' थुनलाइ आफादआ दुखु फोरमायदों



गुवाहाटी, 16 जून: अल इन्डिया रेडिअ गुवाहाटी प्रग्राम अफिसार मुस्लि नरेश्वर चैनारिआ गोबाव समनिफ्रायनो लोमजानानै एबा देहाजों नाखेबजानानै दिने गुवाहाटी नोगोरमायाव थानाय गावआरि ने मके यार देहा फाहामसालियाव जोबथा हां बोयो। मख'नो गोनांदि, रुंसारि चैनारिआ सासे रेंगौथि गोनां आरो बयजोंबो अन्सायजाग्रा आरो मानिजाग्रा

आसामआव गोदानै गं 5 मुलुग सोलेंसालि गाइसननो थिरांथा लानाय जाबाय राइज्यो सरकारा

दिसपुर, 16 जून: आसामआव गोदानै मोनब्रै पेरिस्सिक लेब्रट'रिटी गाइसननो कबिनेटआ दिने गनायथि होबाय। पेरिस्सिक लेब्रट'रिटीखौ फारिये चिलसर मेडिकेल कलेज, डिब्रुगड आसाम मेडिकेल कलेज, तेजपुर मेडिकेल कलेज आरो बडइगाव सिभिल देहा फाहामसालियाव गाइसननाय जागोन। बे गोदाने गाइसननो गोनां पेरिस्सिक लेब्रट'रिटीफोर (□ 5 बिलाइआव)

चिराडव दै बानानि थाखाय साखा-फारा जानायनि सायाव जिल्ला खुंथायनि गोनांथार सावराय मेल

चिरां, 16 जून: आसामनि गुबुन गुबुन जिल्लाफोरजों लोगोसे चिरां जिल्लायवबो बोसोरफोरमोबो दैज्जां बोथोरनि समाव दै बाना सोमजिनयजों गोबां सुबुंफोरा जेनाजों मोगा-मोगि जानाडे। लोगोसे माखासे दै मा-दै सा फोरनि लोमसावनायजों हा खुरखानानै बोसोरफोरमोबो गोबां नख'रफोरा हा-हु, बारि-बागान आरो न'-बां गोमाजानो गोनां जायो। बेखौ



नोजोर बोहरनानैनो देरलाय (□ 5 बिलाइआव)

फुंखा थुनलाइयारि गौथुमनि 3 थि जोनोम सान फालिदों

बाक्सा, 16 जून: बाक्सा जिल्लानि सिडव थानाय सापागुरि हालामनि दावधारयाव दिने 16 जून, 2021 अक्टुखालि फुंखा थुनलाइयारि गौथुमनि 3 थि जोनोम सान फालिदों। थानाय 2018 इ माइथायनि 16 जूनखालि जोनोम मोन्याय फुंखा थुनलाइयारि गौथुमनि 3 थि जोनोम सानखौ जिल्लानि सिडव थानाय जलागावनि इउ एन (□ 5 बिलाइआव)

कक्राझारआव जिनाहारि खालामना बुथारनाय जाथायखौ लानानै गुबुन गुबुन फरायसा आफादफोरा हेंथा सोमावसारदों



कक्राझार, 16 जून: बक'आव राभा फरायसा आफादनि बान्जायनायाव गुबुन गुबुन दोलो-आफादफोरा हेंथा सोमावसारनाय हाबाफारि लादों। थानाय 11 जूनखालि कक्राझारनि अभयाखुतियाव सानै उददै बैसोनि हिन्जावसाफोरखौ जिनाहारि खालामनानै इनायै बुथारनाय जाथायाव लोब्या थानाय दायनिगिरिफोरखौ फासि होनांगीनि दाबि दैखानानै बे हेंथा सोमावसारनाय हाबाफारिखौ लायो। बे हेंथा सोमावसारनाय हाबाफारयाव राभा फरायसा आफादजों लोगोसे मोन 6 राभा आफादफोरा बाहागो लायो। दायनिगिरिफोरखौ फाष्टेट्रेक (□ 5 बिलाइआव)


दिने मिरु रैखाथि बिफाननि मन्थि राजनाथ सिंआ आसामआव दावबायफेगोन



गुवाहाटी, 16 जून: फेगौ 17 जुन थामहिनबा गाबोन मिरुनि रैखाथि बिफाननि मन्थि राजनाथ सिंआ आसामआव

दावबायफेनानै किमिन-पटिन राजा लामाखौ बेखेव फेगोन। मख'नो गोनांदि, बिथानि सानै आसाम दावबायफेनायाव लक्ष्मीपुरनि अनगायैबो गुवाहाटी नोगोरमायाव थाफेनानै किमिन-पटिन बर्दार राजा लामाखौ बेखेवफेगोन। रैखाथि मन्थि राजनाथ सिंआ माखासे थानाय मुलुग दावहाफोरव थालानाय (□ 5 बिलाइआव)

आसाम नेपालि थुनलाइ आफादनि बि टि आर ओन्सोलारि कमिटिनि समायखिरा लानाय हाबाफारि खुंदों



उदालगुरि, 16 जून: आसाम नेपालि थुनलाइ आफादनि बान्जायनायाव दिने भारखुवेल कनफारेन्सनि गेजेरजों बि टि आर ओन्सोलारि कमिटिनि गोदान एबा गिबि मावफुं आफादनि समायखिरा लानाय (□ 5 बिलाइआव)

पागलादिया दैसानि हा खुरखानायखौ होबथानो जिअ बेग आरो पार्कुपाइन गायसन्नायानि हाबाया दिनेसिमबो आबुं जायाखै

बाक्सा, 16 जून: बाक्सानि पागलादिया दैसाआव माथावरि लुफुं नायनि खामानिया दिनेसिमबो आबुं महर मोनाखौ। जाउनाव जारतालुका ओन्सोलनि सुबुंफोरा जिंगासिदों। दैसानि गिबि दै बानायाववनो माथावरिया

गावसानो हमदों। मख'नो गोनांदि बोसोरसे सिगांनो बाक्सा जिल्लानि जारतालुकायाव पागलादिया दैसायाव माथावरि लुफुं नायनि खामानिखौ जागायजेनदोंमोन। थानाय बोसोरनि लक डाउननि (□ 5 बिलाइआव)



बिजनी, 16 जून : करनानि थासारिनि थाखाय राइजो सरकारआ गोदान एस अ पि फोसावबाय। गोदान एस अ पिखौ फेगौ 22 जुनसिमनि थाखाय खालामनाय जादों। थानाय मंगलबारखालि राइजोनि सावस्त्रि बिफाननि मन्थि केशव महन्तआ खौरांगिरि मेलनि



गेजेरजों फोसावो गोदान एस अ पि। गोदान एस अ पि बादियै खोला सालमारा, माजुली, बडइगाव, चिरां, उदालगुरि, सोनाब कार्बि आलं, डिमा हासाव, चराइदेव जिल्लायव बेलासि 4 रिंगासिम खुला थागोन गला(दखान), (□ 5 बिलाइआव)

सुजुगिरिनि खोलोम

दानाय-लुनाय गैयैखायनो गामिफोराव माखु गाबनाय खोनाबालिया

गोदो-गोदायनिफ्रायनो गामियाव राइजो जाबोनाय जॉनि सुबुंफोरा दानाय-लुनायखौ गोनां आरिमु महरै गोबानानै लाबोदों। बर' माहारिनि गेजेराव बाश्रा फंसे दड; 'जाय हिन्जावया दानाय-लुनायाव आखा-फाखा नड बिब्दि सिख्खाखौ रावबो जुलि खालामा'। बाश्राय बरैबा नंखायबो नडमोन। नाथाय आधिखालनि समाव बेफोर बाश्राया खामानियाव होलिया। गोदोनि समाव गामिआव नख'रफ्रोमबो साल-गान्देजों समायना इसानसाली थानायमोन। मेसें बोथोर सौफेनाय लोगो-लोगो नख'र-नख'र सि सौनाय, नो-खनाय, बेनि उनाव गान्देआव खुदुंखौ फानानै सालाव दानाय बादि बाइदि। गामिआव हाबहैब्लानो नख'र-नख'र खालथां-खालथां माखु गाबनाय सोदोब खोनानो मोनायमोन। आधिखालाव नाथाय गामिफोराव हाबहैब्लामाखु गाबनायखौ बांद्राय खोनानो मोनबालिया। अदेबानि गामि गोथीफोराव दाबसिन-दावला गाबनायजों लोगोसे माखु गाबनायखौ दाबो खोनानो मोनो। मा जाहोनाव गामिनि आइजोफोरा सि दानायखौ नागारनो हमखो, बेखोबो गोथीयै सानो गोनां जाबाय। गोदोनि समाव खुदुंखौ गाव गावो बाइदि रोखोम मुवाफोर बुधुमनानै गाव गानानै सि दानायमोन। नाथाय, आधिखालाव हाथायफोराव मोनाय गोजा, गोथां, गोमो बाइदि रोखोम गामिनि खुदुं बायनानै दखना, जोमग्रा जोमग्रा सिमा, बग्रा सिमा, गामसाफोर दानानै गान्नाय-जोमनायमोन।

गोदो गामि गामि इन्दि बिफॉनि बगान खालामनानै एम्फो फिसानानै फिथोबनिफ्राय इन्दि खुदुं दिहुनानै इन्दि सि दानायमोन। नख'राव जोमनो माखासे दोनानै गुबुनोबो बेसेन गोसानि फानहसनायमोन। इन्दि सिनि बेसेनआ गोदोनिखुइ आधिखालाव गोबांसिन जाबाय। आधिखालाव गोबां रोखोमनि इन्दि सि दानानै दिहुनो हायोब्ला बेनिफ्रायबो गोबां रं बुधुमनो हायो। बेजोंनो नख'रनि गथ'-गथयनो लेखा-बायनो गाननाय-जोमनाय ज'गार खालामनो हानायजों लोगोसे नख'रनि खरसाबो दिहुनो हायो। आधिखालनि सुबुंफोरा नाथाय इन्दि सिखौ जोमाबालिया, हाथाय-बाजाराव फान्नाय मनिपुरि जोमग्रा, काश्मीरि साल बाइदि बाइदि सि फोरखौसो बायनानै जोमनाय नुनो मोनसे।

आधिखालाव बर' आइजोफोराबो सि फालांगि खालामनो लानायखौ नुनो मोनबाय। आइजोफोरनि दानाय-लुनायनि आफादफोरनिफ्राय दानाय सिफोरखौ फान्नाय नुनो मोनदोंसे। नुनो मोनाय बादिबैब्ला उइभिनिफ्राय दिहुनजानाय सि-जोमखौ फान्नायनि थाखाय गुवार रोखोमनि हाथाय गैया। नांगी रोखोमनि गुवार हाथाय गैयाब्ला उइभिफ्रा थानानै थानांगीआ गोब्राव। हादतनि बाइजोयावबो बे रोखोमनि हाथाय थानांगोन।

माहारिनि हारिमु आरो आरिमुखौ फोथानानै लाखिनायनि बिबानखौ बर' आइजोफोरा गोदो-गोदायनिफ्राय सोलिबोनाय बायदिनो दानाय-लुनायनि हारिमुखौ फोथानानै लाखिनांगोन। सरकार बिधिनिफ्रायबो गामिफोरनि आइजोफोरखौ थुलुंगा होनो मावसोमनानै जाग्रा सुबुंफोरनो गान्नाय-जोमनाय सि दानो खुदुं जगायनानै होलांनो। आधिखालनि समाव मुवा-बेसादफोरनि बेसेना अखां नांग जाहैबाय। बोथिसे जानाय-लौनायखौ जगायनो हाथै सुबुंफोरा गान्नाय-जोमनायखौ जगायनो गोब्राव जाकागोन। बेखायनो बेजों लोगो लोगोनो माहारिनि हारिमु आरो आरिमुखौबो सि दानायनि गेजेरजोंबो लाखिलांनो हानांगोन।

दिनैनि फानजामुधि

राशि बाइदियै मुनि गिबि हांखो
 मेष : अ ल वृष : ऊ ब (उ ए इ) मिथुन : क छ (ङ घ) कर्कट : ड ह सिंह : म ट कन्या : प ठ (ण ष) तुला : त र बृश्चक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

- मेष:** फारफरोमबो जिंगा सिनांनो हागौ। जेखि जाया गोसोखौ लोरबां खालामनो नाड।
- वृष:** माबा मोनसे खामानि मावनायनि बिबान मोनो हागौ। गोजोन्नाय मोनगोन। मोजां सान।
- मिथुन:** बे राशिनि थाखाय गोथार सान। न'नि मोजां खामानि मावनाय लानो हागोन। फारफ्रोमबो मोजां।
- कर्कट:** मानिबो जाहोनि थाखाय रांखावरि दाहार लानांनो हागौ। सानै-हयै खामानिखौ मावनांगोन।
- सिंह:** दिनैनि दिनआव आरामे थानो मोनगोन। गोजोन्नायजों समखौ बारहोनो हागोन। मोजां सान।
- कन्या:** सोरजों बायदिसिना अफमान होजाबायनो हागौ। गोसोखौ हमथानानै था।
- तुला:** माना मोनसे मोजां धोन आरजिनानै लानो हागोन। धोनआ बांगोन। मोजां सान।
- बृश्चक:** बिमानि सान्नाय बादि नख'र दालांनो हागोन। बिमानि समाव गोजोन्नाय मोनगोन।
- धनु:** सान्नायफोरखौ मोनसेबो जाफुंहोनो हानाय नड। दिनैनि बायया मोजां नड। गोसो हमथा।
- मकर:** माबा मोनसे मुवा खहाफोर जानो हागौ। गोसोखौ सानि गैयै मोनगोन। गोसो हमथा।
- कुम्भ:** मोजां गुन गोनांनि थाखाय मानआ बांलांगोन। थुलुंगाखांनो हागोन। मोजां सान।
- मीन:** रंजा-बाजा खालामनानै समखौ बारहोनो हागोन। फारफ्रोमबो जौगाखांगोन। मोजां सान।

सिधुआ डिपुटि सिएमनि बिबानखौ नेवसिगारदों

चन्डीगड़, 16 जून : पान्जाबयाव कं ग्रे स हाइकमान्डआ सिएम केप्टेन अमरिन्दर सिं आरो नबजित सिं सिधुनि गेजेराव सोलिबाय थानाय जेनाखौ फोजोबनो थाखाय मोनसे कमिटिखौ दादोंमोन। नाथाय बिनि नाजानायखौ जाफुंसारे नुनो मोन्नाय जादों। केप्टेन लिडारसिपयाव थाबाय थानाय आरो डिपुटि सिएमनि बिबानखौ होनो नागिरनायखौ सिधुआ नेवसिगारदों। कंग्रेसनि सुलुडा बुंदों सिधुआ मल्लिकार्जुन खड्गेनि दैदेनाय पेनेलनि सिगाडव रोखा बुंदोंदि, गाव केप्टेन अमरिन्दरजों लोगोसे गोलैयै हाबामावो हानाय नड। डिपुटि सिएमनि बिबानखौ आजवाब्लोबो गोलैयै



हाबा मावो हानाय नड। सिधुआ पेनेलनि सिगाडव बुंवावदों केप्टेन अमरिन्दर सिंखो लोगो हमनो हाया। बियो दाबि दैखांदोंदि, राइज्योआव कंग्रेसनि एमएलएफोर, पार्टिनि मावसुमाफोर आरो दैदेनगिरिफोरखौ नोजेर होनाय जायाखै। बियो पान्जाब सरकारनि हाबा मावनायबो गोहोम खोख्लैदों। बावयैसो समाव अबहरयाव नबजित सिं सिधुनि पस्टारखौ नुनो मोन्दोंमोन। हमदांनो लानाय जादोंदि, सिधुआ 2022 नि थाखाय गावखौनो केप्टेन महरै

चीननि 28 दावहारु उरां जाहाजफोरा आरोबाव खनसे ताइवाननि एयारस्पेसआव बिरदों




ताइपे, 16 जून : मंगलबाराव चीननि एयार फर्सनि गासै 28 उरां जाहाजआ ताइवाननि एयार डिफेन्स आइडेन्टिफिकेसन जनआव हाबहैदों। ताइवाननि रैखांथि मावख'आ फोरमायदोंदि, चीनआ

हादतआव 28 दावहारु उरां जाहाजखौ दैथायहरदों। मंगलबाराव दासिमनि बयनिखुइबो बांसिन अन्जिमायाव सानसेयावो बेबायदि उरां जाहाजखौ चीनआ दैथायहरदों। मावख'आ चीनजों ताइवाननि हें थायै नारसिन्नायखौ फोजोबनो आर'ज गाबदोंमोन आरो जलडमरुमध्य जेनाखौ गोजोनै सुझांनो बुंदोंमोन। ताइवानआ बावैसो समनि दानफोराव द्वीप नाव चीननि अखांमा सान्थि हान्जानि गेजेरजों खालामनाय मिसनफोरखौ अजद होदों, जाय ताइवाननि सामलायनाय प्रतास द्वीप हान्जानि खाथियाव बेनि अखांमा रेखांथि स्ट्रेसनआ खोला सोनाबनि बाहागोआव दड।

रामायणनि सुमन्त चन्द्र शेखरआ रुंसारि जाबाय

गोदान दिल्ली, 16 जून: रामायणआव आर्य सुमन्तनि फाव खालामनाय फावखुंगुर चन्द्र शेखरआ 97 बोसोर बैसोआव रुंसारि जाबाय। बृहस्पतिवार फुनि 7.00 रिगायाव बियो जोबथा हां बोदों। चन्द्र शेखरआ बलिउडनि माखासे हिट सावथुनफोराव फाव खालामदोंमोन। बिनियाव हेल्थजों सोमोन्दो गोनां जेबो जेनाफोर गैयामोन। रिपर्टनि बादिब्ला, दिने 16 जुनि मोनाबलि 4.00 रिगासिमआव बिखौ जोबथा बिदाइ होनाय जाबाय। चन्द्र शेखरआ बलिउडनि 250 निफ्राय बांसिन सावथुनफोराव फाव खालामखांबाय। बियो 1964 आव रिलिस जानाय सावथुन चा चा आरो स्ट्रीट सिंगार (1966) नि प्रडिउसार



आरो डिरेक्टरबो जादों। रिपर्टनि बादिब्ला, बिनि फिसाज्जा अशकआ फोरमायदोंदि, गावनि बिफाया उन्दुनाय समाव रुंसारि जादों। बिनियाव हेल्थजों सोमोन्दो गोनां जेबो जेना गैयामोन। थानाय बृहस्पतिबाराखालि बिखौ 1 दाननि थाखाय देहा फाहामसालिआव लानाय जादोंमोन। अशकआ फोरमायदोंदि, बिखौ न'आव लाबोफिनबायमोन आरो गोनांथि जानायव अक्सिजेननि राहाखौबो खालामनानै होदोंमोन। थानाय हरसिम बियो मोजाडेनो दडमोन। बियो आरामै मुलुगाखौ नागारदों। मोनाबिलिनि 4.00 रिगायाव भिले पार्लेनि पवन हन्सआव बिखौ जोबथा बिदाइ होनाय जाबाय। सावथुन सुरंगआ चन्द्र शेखरनि हिर' महरै फाव खालामनाय गिबि सावथुनमोन। बेनि अनगायै बारादरी, कालि टपी लाल रुमाल, स्ट्रीट सिंगारआव बिखौ गाहाय फाव खालामनाय नुनो मोन्दों। बेनि अनगायै बिखौ नमकलाल, डिस्क डेन्सार, शराबो, हुकुमत, अनपढ़, साजन बिना सुहागन, संसार बायदि माखासे सावथुनफोराव नुनो मोन्दों। 65 बोसोर बैसोआव बिखौ रामायणआव आर्य सुमन्तनि फावआव नुनो मोन्दोंमोन। 178 बोसोर बैसोआव खौफनि उनाव बियो सावथुन इन्डस्ट्रीनिफ्राय आजिर लायो।

बिशाखापटनमनि हाग्रायाव गावलायनाय जाथायाव सा 6 नक्सालिफोर थैदों

अन्ध प्रदेश, 16 जून: अन्ध प्रदेशनि बिशाखापटनमआव दिनै बुधबाराखालि फुडाव माअबादीनि सा 6 नक्सालिफोर अन्ध प्रदेश पुलिसनि ग्रेहाउन्डस कमान्डफोरजों लोगोसे गावलायनाय थैयो। पुलिस आरो नक्सालिफोरनि गेजेराव बे गावलायनाय कय्युरु ब्लकनि थैगलमेट्टा वन ओन्सोलाव बै समाव जायो, जेब्ला ग्रेहाउन्डसआ नागिरनाय हाबाफारि सालायबाय थादोंमोन। सुलुडव फोस्मायनाय बादिब्ला, ग्रेहाउन्डस फर्सआव गाहाय महरै माअबादी होबथानाय अभियानफोरनि थाखाय गोरें-गोर जवान थायो। बिशाखापटनम जिल्ला पुलिस फार्सेनिफ्राय होनाय बिबुंथियाव बुनाय बादिब्ला, बे जायगानिफ्राय एके-47 राइफल, गंसे एसएलआर, गंसे कार्बन, गंथाम 303 राइफल आरो गंसे



हादरआव बानायनाय हाथियारजों लोगोसे सा 6 माअबादीफोरनि गोथै सहखौ बोखानो हायो। कय्युरुनि पुलिस आइजि भेकटरमणआ बुनाय बादिब्ला, थैनाय आरो जोखोम जानाय माअबादीफोरा दासिमबो गोमानानै दंबावो जानो हागौ। मानोना गावलायनाय जायगाया गोबां गुदु हाग्रा सिडव आरो गोखौ अभियानआ दासिमबो सोलिगासिनो दड। बेयाव उफ्रा पुलिस हान्जाखौ दैथाय हरनाय जागासिनो दड। मिथिनो मोन्नाय बादिब्ला, माखासे गोजां थाखोनि माअबादी दैदेनगिरिफोरा गुलि गावनाय समाव खारनायव जाफुंसारनो हायो। पुलिस हान्जाया माअबादी दैदेनगिरिफोरखौ हमनो थाखाय हेलिकप्टरफोरबो बाहायदों।

इज्राइलआव आधिखालाव न'नि सिडव मास्क गान्नायनि गोनांथि गैला

जेरुजालेम, 16 जून : इज्राइलआ जोबोद जाफुंसार टिका थुनाय हाबाफारिनि उनाव आधिखालाव न'फोराव मास्क गान्नायनि गोनांथिखौ फोजोबो। बे होबथानायखौ थानाय मंगलबार खालि बोखारो। नाथाय सुबुंफोरा दासिमबो उरां जाहाजफोराव आरो आइसलेसन सेन्टारव थानाय समाव मास्क गान्नांगोन। जाय सुबुंफोरा दासिमाव करना भेक्सिन टिका थुजायाखै, बिसोर नार्सि हम आरो गुबुन सावप्रियायि सुबिधाफोराव मास्क बाहायनांगोन। सुलुनि बायदिब्ला, इज्राइलआ गावनि गासै 85 जौखोन्दो नोगोरारिफोरखौ टिका थुबाय, जायनि उनाव बेयाव स्कुल



आरो फालांगियायि फर्सथानफोरा आबुडै खुलिबाय। इज्राइलनि 90 लाखनिखुइ बांसिन थागिबिफोरनि गेजेराव करना भाइरासनि गासै दर्जनसेसोल' बेमारि दसें। मख'नो गोनांदि, इज्राइलआ करना इनफेक्सननि गोखैथिया थाबथाबाय, नाथाय दासिमबो बिबानगिरिफोरा गुबुन हादतफोरनिफ्राय फेग्राफोरखौ लानानै जिंगा सिदों। बेबायदियाव गुबुन हादतयारि आलासिफोरखौ बरायनायाव सांग्रांथि जागासिनो दड। इज्राइलआ थानाय दाननि गेजेराव आगन्तुक फोरनि ओरैबायदि हान्जाखौ आलासि बरायदोंमोन। बेयाव सौहैनायाव गासै दावबायारिफोरा टिका थुनायनि फोरमान लाइ दिन्थिनांगोन आरो बिखौ नायबिजिरनायबो जायो।

दावहा दोनथ 'नायनि उनाव इजराइलआ हमासखौ फिन गाग्लोबदों


तेल अबीब, 16 जून: थानाय सानआव लांथ्रियै 11 सान इजराइल-हमासनि गेजेराव सोलिनाय बुथारनाय दावहाखौ दोन्थ'नो फोसावनानै बन्द खालामनाय जादोंमोन। नाथाय फिन खेबसेबाव इजराइल आरो पेलिस्टाइननि गेजेराव दावहानि थासारि जाफिनबाय। इजराइलआ फिन गाजा पट्टीआव उरां जाहाजजों गाग्लोबदों। मख'नो गोनांदि, गाजाया खोला इजराइलआव बमाजों बुंफबनाय बेलुन हगारहरदों, जायनि उनाव दावहा दोन्थ'नायखौ सिमफायनानै इजराइलआबो उरां जाहाजजों गाग्लोबो। बे केसआ बांलाडोब्ला इजराइलनि गोदान सरकार दानाय बेनेट सरकारनि थाखाय बेयो गिबिसिन सेलेन्स जागोन।



मख'जाथावदि, सान्जा येरुशालेमआव मंगलबाराखालि इजराइलनि हाथियार लाग्रा हान्जाफोर मार्स खालामदोंमोन, जायखौ गाजानि थुनज्जायनाय आखुनि बिजिरनाय होन्नानै मानिनाय जादों। इजराइलनि सान्थिआ बुंदोंदि, गावसोर हमासनि ओन्सोलाव उरां जाहासजों गाग्लोबदों आरो गावसोर जायखि-जाया थासारिजों जुजिनो थियायि। इजराइलआ गाजानि खान इउनिस सहराव गुन्दासा गावहरदोंमोन। बेनि सिगां इजराइल सान्थिनि बुंथिगिरिआ बुंदोंमोनदि, बेरफुग्रा बेसादजों आबु बेलुनफोरखौ गाजा पट्टीआ इजराइलखौ थांखिनानै हगारहरदोंमोन।

उत्तरवारि आरो हाथियार लाग्राफोरानो मुलुगनि देरसिन खैफोद : राजनाथ सिं

गोदान दिल्ली, 16 जून: रैखाथि मन्थि राजनाथ सिंआ दिने फु डाव आसियान जथुम्मायाव भिडिअ कन्फारेन्सिन गेजेरजों बाहागो लायो। बे जथुम्माया फुनि 6.30 रिगायाव जादोंमोन। आसियान रैखाथि मन्थिफोरनि जथुम्मा प्लासआव रैखाथि मन्थि राजनाथ सिंआ बुडोदि, उत्तरवारि आरो हाथियार लाग्राफोर मुलुगनि गोजोन आरो रैखाथिनि थाखाय बयनिखुडो देरसिन खैफोद, रांखाथि नायबिजिरा हाबा मावग्रा हाञ्जा (एफएटिएफ) नि सोद्रोमा महरे भारतआ उत्तरवारिनो रांखाथि देथायहरनायनि बेरखाथै जुजिनो



गोखों थांखि लादों। रैखाथि सेलेन्सफोरजों जुजिनायाव भारतनि गोखों थांखिखौ फोरमायनानै राजनाथ सिंआ बुंदों, गावजों गाव हेफाजाव

होलायनायजों उत्तरवारि फसंथानफोरखौ आरो बिसोरनि नेटवर्कखौ होबथानो हागोन। आथिखालनि सेलेन्सआ जादों कभिड-19। करना भाइरासआ

गावनि दाथायखौ सोलायबाय थायो। बेनि गोदान गोदान भरिन्टआ सोराडव फैगासिनो आरो जॉनि फाहामथाय होनायनि हाबाफारिखौ गोहोम

गैयै खालामो। बे जथुमआव भारतजों लोगोसे चीन, जापान आरो रसियानि रैखाथि नेहाटरिफोरबो बाहागो लायो। एडिएमएम-प्लास 10 आसियानि सोद्रोमा हादरफोर आरो मोन 8 जथुम्मानि बाहागोयारिफोर अस्ट्रेलिया, चीन, भारत, जापान, निउजिलेण्ड, खोला करिया, रसिया आरो जुथाय राइज्यो आमेरिकानि मोनसे मख 'जाथाव जौसां, जाय रैखाथिखौ गोखों खालामनो थाखाय आरो ओन्सोलाव गोजोन, दिदोमथि आरो जौगाखानायनि थाखाय रैखाथि मदद होलायनायखौ बांहोयो।

सिबिथायानो फसंथाननि हाबाफारिखौ जागायनो हासिगौ, जेपि नडुया इसारा होदों

गोदान दिल्ली, 16 जून: करना बोथोराव बिजेपिनि गेजेरजों सिबिथायानो फसंथाननि हाबाफारिखौ जागायदों। बेनि गेजेरजों हादरनाडै बिजेपि मावसुमाफोरनि गेजेरजों गोनांथि जानाय सुबुंफोरखौ जेब्लाबो मदद होनाय जागासिनो दड। बिजेपिनि माहारियारि आफादगिरि जेपि नडुया बेनि खौरां होयो। मिडिया रिपर्टनि बादिब्ला, आथिखालाव बे हाबाफारिनि नैथि खोलोवआबो थाबैनो जागायसिगोन। बेनि थाखाय नडुया बिथोनबो होबाय। सुलुडाव फोरमायनाय बादिब्ला, बे हाबाफारिखौ



हादरनाडै जागायगोन। बेरेखा दोलोनि गागलोबनायनि गेजेरजों जेपि नडुया बे हाबाफारिखौ जागायदोंमोन। बे हाबाफारिनि गेजेरजों टिका थुनाय हाबाफारिआव मेरा बुथ टिकाकरण युक्तखौ फोसावो।

बेनि गेजेरजों 45 बोसोर बेसोनि गोजोनि गासै सुबुंफोरनो टिकानि मोननै डूपखौ फोजोबनो थिन्नाय जादों। बे हाबाफारिनि गेजेरजों 18 बोसोरनिखुडु बांसिन बैसोनि सुबुंफोरखौ टिका थुजानो थाखाय थुलुंगा होनाय जागोन। बेयाव डिलिभारि बय, अट रिक्सा सालायग्रा, नख 'रारि हेफाजाव होग्रा, गेस सिलेन्डर रान्नानै होग्रा, खौरांलाइ रान्नानै होग्रा, 12 बोसोरनिखुडु खम बेसोनि गथ 'फोरनि बिमा-बिफा, 18 बोसोरनिखुडु बांसिन बैसोनि गासै सुबुंफोरखौ भेक्सिन थुजानो थाखाय थुलुंगाखांहोनाय जागोन।

बि जे पिनि नंखाय दाबि दैखांनायजों हादरआ सोलिनाय नडः राहुल गान्धी



स्लगानफोरनि गेजेरजों भेक्सिननि खम एबा आंखाल जानायखौ दोनखोमोनो नाजादों। माखासे सान सिगाडवबो राहुल गान्धीआ गाहाय मन्थि मदिखौ गोखों रावजों बाथा बुंदोंमोन। बियो बुंदोंमोनदि, हादरआव करनानि नैथि दोहौ जानाय आरो गिखंथाव महर लानायनि थाखाय गाहाय मन्थि मदिआनो दायनिगिरि। राहुल गान्धीआ बुंवावोदि, आथिखालाव हादरआव करना भाइरास गोसारनायखौ होबथाग्रा भेक्सिनफोरनि आंखाल जानायखौ पर्दा फंथेनो थाखाय बिजेपिनि नंखाय बाथा बुंनाय आरो नंखाय खोथा होनाय, बिबुंथि होनाय, स्लगानफोरनि गोनांथि गैया, अदेबानि गोखैये आरो आबुं महरे भेक्सिन थुनायनिसो हादरआ बे समाव गोनांथि जादों।

गोदान दिल्ली, 16 जून: हादरआव करना भेक्सिन खम जानायखौ लानानै कंग्रेसनि दैदेनगिरि राहुल गान्धीआ मिरु सरकारनि सायाव फिन गाग्लोबदों। राहुलआ बुंदों हादरआव गोखै आरो आबुं भेक्सिन थुनाय ड्राइभनि गोनांथि दं। हादरनो बिजेपिनि नंखाय दाबि दैखांनायनि गोनांथि गैया। बिजेपिआ खालि नंखाय बिबानगिरिफोरखौ हादरनि गाहाय दै गोहोम गोखैग्रा ओन्सोलफोरव दै बाना आरो

नख'र मन्थि अमित शाहआ दै बानानिफ्राय वारग'नायनि थियारिफोरखौ खौरां लादों

गोदान दिल्ली, 16 जून: मिरु नख'र मन्थि अमित शाहआ थानाय मंगलबारखालि मोनसे जथुमखौ दैदेनानै मौसुमि बोथोर आरो दै बानानि थासारिनिफ्राय वारग'नायनि थाखाय थाख-थियारि जानायनि खौरां लायो। बेनि गेजेरजों नख'र मन्थिआ बोथोर बिफान, दै गोहो बिफान आरो एनडिआरएफखौ नायबिजिरानै गोदान राहानि थाखाय माखासे थांखि लायो। बिथाडा हादरआव बोसोफ्रमबो फैन्याय दै बानानि जेनाखौ बाडइ खालामनो थाखाय गुवार आरो मख 'जाथाव नेमखांथि बानायनायनि राहाफोरखौ नायबिजिरो। बिथाडा बिबानगिरिफोरखौ हादरनि गाहाय दै गोहोम गोखैग्रा ओन्सोलफोरव दै बाना आरो



दैनि थाखो वारयनायनि थाखाय मोनसे अरायथा राहा खालामनो थाखाय मिरु आरो राइज्योफोरनि एजेन्सिफोरनि गेजेरव साबसिन सोमोन्दो लाखिनो बिथोन होयो। बिथाडा दै गोहो बिफानखौ गिरिदर

बानोफोरनिफ्राय हा दिहुनो थाखाय मोनसे राहा खालामनो सुबुरुन होयो, जायजों बानोफोरनि गोहोआ वारयो आरो दै बानाखौ होबथानायव मदद मोनो हायो। बिथाडा बोथोर बिगियान बिफान आरो मिरु दै आयग बायदि टेक्निकेल

फसंथानफोरखौ बोथोर आरो दै बानानि थाखाय गोदान मुगानि टेक्निक आरो सेटेलाइट डायटखौ बाहायनोबो बोसोन होनाय जादों। बिथाडा बुंवावदों बोथोर हमदानायनि सोमोन्दे गुबुन गुबुन मबाइल एप जैरे उमं, रेन प्लानम आरो दामिनि एपखौ बांसिनै बाहायनांगो जाहाथे सुबुंफोरनिमि बेनि मुलाम्फाखौ सौहैहोनो हायो। अदेबानि दामिनि एपनि गेजेरजों 3 घन्टानि सिगां सारअन्थाय गावनायनि सोमोन्दे सांग्रांथि होनाय जायो, जाहाथे जिब-जुनातफोर खम खहा जायो। बे गोखै थाखोनि जथुमआव दै गोहो मन्थि गजेन्द्र सिं शेखावत, मिरु नख'र राइज्यो

मन्थि नित्यानन्द राय आरो मुलुग बिगियान बिफानफोरनि सेक्रेटरिनि अनगायैबो गुबुन गोबां गागि बिबानगिरिफोरबो दंफायोमोन। मख 'जाथावदि, मौसुमि बोथोरनि गोखैथिया लारै जानायनि जाहोनाव सा भारतनि माखासे ओन्सोलफोरव मौसुमि बोथोरखौ नेनांनाया वारयनो हागौ। बे ओन्सोलफोरव माखासे सानफोरनि उनावसो मौसुमि बोथोरआ सौहैहो हागौ होन्नानै भादतयारि बोथोर बिगियान बिफानआ बुंदों। बेरफासै 15 जूनसिमाव मौसुमि बोथोरआ हादरनि रजथावनियाव सौहैहो हागौ।

थावनि बेसेनआ गोबां बांदों, पेट्रलनि बेसेनआ 108 रांसिम सौहैबाय

गोदान दिल्ली, 16 जून: दिने पेट्रलआ लिटरफ्रमबो 22-25 फेसा बांदों, जेराव डिजेलनि बेसेनआ लिटरआव 12-15 फेसासिम बांदों। हासिमायारि बाजारआव गोथां थावनि बेसेनआ मोनसे बेरलआव 73 डलार जादों। जायजों इयुनावबो बेसेनफोरव बांगोनखौ आसा खलामदों। बे बोसोराव पेट्रल आरो डिजेलनि बेसेन बानाया बांसिन जादों, जेराव 4 खेबल' बेसेनआ खम जादों। बे बोसोरनि बाथाखौल' बुडोब्ला पेट्रलनि बेसेनफोरा दासिमआव गासै 14 जौखोन्दे बांदों। मार्च आरो एप्रिलआव जेब्ला दर 5 राइज्योफोरनि बिधान सभा




बिसायख'थिआ जानो गोनांमोन अब्ला बे समाव बेसेनआ दावखलायदों। मार्चआव खेबथाम आरो एप्रिलआव खेबसे दावखलायदों। मुम्बाइआव पेट्रलनि रेटआ लिटरआव 102 रांसिमआव सौहैखांबाय। जेराव डिजेलआ 95 रांसिम खाथियाव सौहैखांबाय। जूनआव पेट्रलआ 2.2 रां

बांखांबाय, जेराव डिजेलआ 2.03 रां बांदों। बेनि सिगां मे दानआव पेट्रल-डिजेलनि बेसेनफोरा खेब 16 बांदों। 4 मेनिफ्राय लान्थियै 4 सानसिमआव पेट्रल-डिजेलनि बेसेनआ बांदोंमोन, जेराव बिसायख'थिनि जाहोनाव बेनि सिगां 18 सानसिम पेट्रल-डिजेलनि बेसेनफोराव

गोजोनआ साग्लोबसारदोंमोन। मेनि आबुं दानआव दिल्लीआव पेट्रलनि रेटआ 4.09 रां बांदों। जेराव डिजेलआ बे दानआव 4.68 रां बांदों। सरासन्हा सुबुंफोरा बेसेन गोसा पेट्रल-डिजेलनिफ्राय 15 एप्रिलआव एसे रेहाय मोन्दोंमोन। 15 एप्रिलनि सिगां पेट्रल-डिजेलनि बेसेनआव जौबथा खेब 30 मार्च 2021 आव सोलायदोंमोन। बै समाव दिल्लीआव पेट्रलआ 22 फेसा आरो डिजेलआ 23 फेसा खम जादोंमोन। मार्च दानआव पेट्रलआ 16 फेसा खम जादोंमोन आरो डिजेलनि बेसेनआ 60 फेसा खम जादोंमोन।

स्पेस शिप शेन्डु-12 जों सा 3 अख्रामा दावबायारि थांगोन

गोदान दिल्ली, 16 जून: चीनआ 17 जूनखालि अख्रामायाव गावनि सा 3 अख्रामा दावबायारि (एस्ट्रानट) फोरखौ दैथायहरनो थियारि जाबाय। चीनआ गावनि गोदान स्पेस स्टेसननि थाखाय थियारिखौ आबुं खालामबाय। स्पेस एजेन्सि सिएमएसएफि सासे बिबानगिरिआ बुडोदि, चीननि गबी बालाहामानिफ्राय बृहस्पतिबारखालि फुनि 9.22 रिंगायाव सा 3 अख्रामा दावबायारिफोरजों गंसे अख्रामा यानखौ लन्च खालामगोन। बिसोर अख्रामा दावबायारिफोरखौ स्पेस शिप शेन्डु-12 जों ज्युकान सेटेलाइट लन्च सेन्टारनिफ्राय दैथायहरगोन। बिसोर वैयाव 3 दानसिम थागोन। अख्रामायाव थानानै स्पेस स्टेसन बानायनायनि थाखाय



सा 3 अख्रामा दावबायारिफोरखौ गोखों आन्जाद लानायनि उनाव सायख'नाय जादों। बिसोर साथामबो हौवाफोर आरो बिसोरनि मुडा फारियै-नी हेशंग, लियु बमि आरो हंख हंगे। बिसोर साथामजों अख्रामाव थानानै स्पेस बानायनाय खामानिखौ जाफु'सारहोगोन। अख्रामा स्टेसन बानायनाय समाव बेयो अख्रामा दावबायारिफोरखौ लानानै थानाय गिबि मिसन जागोन। खुंथायाव थानाय कमिडनिस्ट पार्टि अफ चीना (सिपिसि) नि फेगौ दानआव 100 बोसोर आबुं जानायनि रंजाथाय फोर्बो खुंगोनखौ नोजोर होनाने बे मिशनखौ जागायनाय जादों। खौरानि बादिब्ला, अर्बिटआव

अख्रामा दावबायारिफोरा कर मडेलआव सांग्रां जानानै थाम दानसिम अर्बिटआव थागोन। लं मार्च-2 एफ रकेटजों बे यानखौ दैथायहरनाय जागोन। स्पेस स्टेसनआ आथिखालाव आन्डार कनस्ट्रक्सन एबा बानायगासिनो थानाय अबस्थायव दड, जाय सोलिफु बोसोरनि जौबथासिमाव बे स्टेसनआ आबुं थियारि जागोन।

NOTICE FOR DECLARATION OF RESULT OF NATIONAL TALENT SEARCH (NTS) EXAMINATION, 2020-21

No. DSE/ET/NTSE-NMMS/RESULT/4/2021/37

This is for the information to all concerned that as per the instruction of the NCERT, New Delhi, the result of National Talent Search (NTS) Examination which was held on 13th December, 2020 is to be declared and uploaded in the Directorate of Secondary Education website <www.madhyamik.assam.gov.in> on 17th June, 2021. Candidates may visit the website from 11.00 a.m. onwards on 17/06/2020.

The Stage-II examination of National Talent Search will be re-scheduled by the NCERT subject to the improvement of the pandemic situation of Covid-19. The Admission Letter / Hall Ticket to the qualified candidates will be auto generated. Qualified candidates can download the same from the NCERT website <www.ncert.nic.in> after declaration of the re-scheduled date of Stage-U examination.

Director, Secondary Education, Assam Kahilipara, Guwahati-19

Janasanyog/ID/1178/21

खुंथाय सोलायनायनि उनाव सासे गिबि मन्थिजों लोगोसे म्यान्मारनि सा 9,247 आ मिजरामआव आश्रय लाफैदों

आइजल, 16 जून: म्यान्मारआव थानाय फेब्रुवारीआव सान्थिनि खुंथायाव सोलायनायनि उनाव बैयावनि चिन राइज्योनि गिबि मन्थि सलाइ लियान लुआइजों लोगोसे सा 9,247 सुबुंफोरा मिजरामआव आश्रय लाफैदों। सासे गागि पुलिस बिबानगिरिआ बुंदों, चिन

राइज्योनि गिबि मन्थिआ हासिमायारि सिमना बारनानै समबारखालि हरआव चंफाइ सहरआव सौफैदों। लुआइजों लोगोसे आंग सान सु चीनि पार्टि नेसनेल लीग फर डेमोक्रेसिनि सा 24 सायख'जानाय थान्देफोरा मिजरामआव गुबुन गुबुन बाहागोआव आश्रय लाफैदों। सोनाब म्यान्मारनि चिन



राइज्योआ मिजरामनि सोनाब सिमनाजों नांजावनाय। बिबानगिरिआ फोरमायदोंदि,

म्यान्मारनि बिसोर नोगोरारिफोरखौ मिजरामनि सुबुंफोरा थानो जायगा होदों। माखासे नोगोरारि फसंथान एबा फरायसा आफादआबो बिसोरनि थानाय, जानाय-लौनायनि राहा जायनानै होदों। मिजरामआव जाय सुबुंफोरा आश्रय लादों बिसोर चिन हरिनि। चिन हरिखौ ज' होन्नानो मिथिनाय

जायो। बिसोरजों मिजरामनि मिज' हरिजों गोदो-गोदायनि सोमोन्दो दं। मिजराम पुलिसनि नायबिजिरा ब्रान्सनि अन्जिमा बादिब्ला, राइज्योनि मोन 10 जिल्लाफोरव म्यान्मारनि सा 9,247 सुबुंफोरा थाफैदों आरो बिसोरनि सा 4,156 सुबुंफोरा चंफाइआव थादों।

गोसोखाडे दाबो नोंखौं

हेमाश्री मुसाहारी
थं: उदालगुरि (अरां)

गोसोखाडे दाबो नोंखौं
जेराव नुबोदोंमोन गोबां सिमां
दंमोन गोबां मिजिं नोंखौं लाना....
गोबां दख्तासेयाव ज'रा ज'रा दावथु ज'रा
गोदै गोदै मिलौहाव राव
दसे जेराव बिलिरलांनाय गुसु बारजों
नोंनि साया सायखं सोलेर एवथुनाय
रंजा रजा मिनिबाला लाजिस्तु मिनिनाय
बेसेदि गोजोनमोन बै.... ।
से कुरि ज'रा बायदि
आमोल आमोल कुरिसे
होन्दोंमोन नों जिउ जिउसे
गोबां गोबांसे,
अन्नायनि बानदों बान्दोसे
जों सानैनि जिउ आत्मा मोनसे.... ।
नाथाल सालाय बिजोंनि राव
दानो दोरोदलांनाय
आइराखि दाखुरा खाफालनि जिनिर
गासैबो फैमाल जालांनाय,
थेवबो दाबो गोसो खाडे
थाफायो नों आंजों
गेलेफेयो आनि गासैबो समाववो
आंलाय बै समफोरनिनो फागोलि
जेराव नोंजों थाफादोंमोन फारि फारि ।

सोलोंथाय

लाजेनबाय आं दिनें,
सोलोंथायनि फुंखाखौं;
मोनजेनबाय आं दिनें
गियाननि फुंखाखौं ।
मेगनजोंबो नुबाय आं,
सुबुंफोरनि नाजानायखौं,
आंबो नाजागोन सानसे;
सोलोंथायनि फुंखा लानानै ।
गियाननि बुब्लि बिखायाव,
गियाननि सोमखोर हायाव
नुबाय आं जिब-जिबिनि;
सोलोंथाय-रोंनायखौंबो ।
माब्लादि जाखांगोन
आनि सोमखे मोखांआव,
माब्लादि सौंफेगोन
आनि सोरां गोसोआव ।

मिस दिपान्जलि मोसाहारी

सांग्रेमा एम्फौं

हर दान खोमसिआव
जोडे नों सांग्रेमा
साननि समाव नों जोड;
हरनि समावल' जोडे नों ।
रिथिउ-रिथाव जोंथि-माथि
स्टेसननि रड लाइट
जोंनाय बादि बेसे समायदों ।
नों सांग्रेमानि जोंनाया
मादि गोहो लानानै जोडे नों
रावबो हाया नोंनि जोंनायजों
हर दान खोमसिखौंनो
साथिफबहोयो ।
नों सांग्रेमा एम्फौंब्लाबो
नोंनि गोहोआ गोबां,
हर खोमसिआव आन्दायनाय
सुबुं फेनायफोरनोबो सिगां
जानानै जोंनाय होयो नों ।
बे मुलुगाव थानानै
थाबाय थानों सांग्रेमा
अरायबोनि थाखाय ।

मिस मौसुमि दैमारी

आंनि खामग्लिनाय गोसां

बे आंनि खामग्लिनाय गोसोआव
नोंनि महरा जाखां फैबाय थायो रजे ।
मा गोसोजों बावनो हानो आं
नोंनि अननायखौं ।
बेसेबा गोबाव जालांवाय रजे
नों आंखौं नेवसिलांनाया ।
फैफिन दो नों रजे आंनि सेराव'
आंनि बुखार जानाय गोसोखौं हामथा फैदो ।
नोंनि अननाय मोनै-मोनैआवनो
जाबाय आं गोदाव-सोराव ।
अननायखौं जासिफिनबाय रजे नोंनोनो आं
आजावदो नों आंनि अननायखौं ।
नोंखौं नुयैआवनो आं रजे
आंनि गोसोआ खामग्लि लांबाय ।
सोरमोन नों आंनि गोसोनि दाव मैना
खामग्लि होनानै थांबाय नों आंनि गोजानाव

मुसि अनेराम नार्जारी

गामि- काकरमारी

जिल्ला-कक्राझार, बिटिसि (आसाम)

बीरबलनि सल'बाया मुसि देवबार रामसियारी

फारसेथिं जैरै बीरबलआ सम्राट आकबरनि मन्थि गुबुन
फारसेथिं बियो सम्राटनि मानाव गेदेरबोमोन । बनि मुआ जेरावबो
गोसारदोंमोन । बनि सोलो आरो रोंगोंथिनि खोथाया बै टुरस्कनि
सुलटाननि खोमायावबो गोलैहैदोंमोन । सुलटानआ बीरबलखौं
नायनो जोबोर लुबैदोंमोन नाथाय बायदि जाहोनाव भारतसिम
फैनानै बीरबलखौं नायफेनो हायाखैमोन । टुरस्कनि सुलटान आरो
दिल्लीनि सम्राट आकबरआ जोबोर लोगोमोन । बियो बीरबलखौं
हैहस्तानै बुंबाय-बीरबल । आंनि लोगो टुरस्कनि सुलटानआ नोंखौं
बनि हादोरसिम लेंहरदों, बेनिखायनो नों थानो थाखाय थियारि
जाबाय ।'

सम्राट आकबरनि खोथा बादिथै मोजां सान नायै-
हुयै बीरबलआ टुरस्कसिम थानोंमोन । बीरबल थानाय खौरंखौं
सिगांनो सम्राटआ सुलटाननो दैथायहरदोंमोन । बीरबलआ
टुरस्क' मोनहैनाय लोगो लोगो सुलटानआ बिखौं मोनसे
जोबोर गिदिर आलासि थाग्रा न'आ दोन्दोंमोन । बायदि रोखोमनि
जाग्रा मेथाय, रंजानाय बाजानाय आरिजों बीरबलआ गिबि सानखौं
हगार हरदोंमोन । नैथि सानाव बियो सुलटानजों नुजानायनि बिथोन
मोननायसै ।

बीरबलआ नुजानाय सान खालि सुलटानआ बीरबलनि
सोलोखौं आनजाद नाइनो थाखाय मोनसे खामानि मावदोंमोन ।
बियो राजआफादनि सोदोमाफोरजों लोगोसे जफादोंमोन ।

गायखेर होग्रा आइजें

गुबे: ड० विजयकृष्ण शर्मा
रा:सो:- हाथिगिरि नार्जारी

नोंसोर बे बायदि
रोखोमनि मोसौखौं नायनो
जोबोर लुबैदों जानांगों ?
बबेखानि बे मोसौखौं साजायनो
गोबां रंनि गोनांथि दं । जोंनि
हादतआव दाबो बे बायदि
रोखोमनि आइजें साजायनाय
जायखै । अमेरिकायावसों जिउ
गोयै मोसौ बानायनाय जायो ।
सिकाग' नोगोराव मोनसे
दिन्थिफुसालियाव बे रोखोमनि
गोबां मोसौखौं दिन्थिनाय
जादोंमोन । दानिया खोथाया
जाबाय गोबां रांखावरी
बाहायनानै । बे बायदि मोसौ
बानायनानै मा मुलाम्फा जायो ।
मुलाम्फा जायो, मिथिबाय ।
जोबनो गोयै मुलाम्फा जायो ।
गोनोखोगिरिफ्रा बेखौं औरैनो
दिहुनाखै । गोनंथार सानानैसो
दिनें गोबां रांखावरी गारनानै बे
रोखोमनि मोसौखौं दिहुन्दों ।

मोनसे खोथाखौं गोसो
होनायसाय । जिउ गोनां
मोसौनिफ्राय जोडो गोसो
बायदियै गायखेर मोजोमसे
मोसौनिफ्राय खमावबो मोजां
दाना जाहोनानै बै लिटार बारा
गायखेर मोनो । गोबाडै
गायखेर दिहुनोब्ला मोसौआ
खट मोनो । नाथाय बे आइजेंनि
मोसौनिफ्राय बिसोरो गोसो
बायदि गायखेर मोनो । मानोना
गोनोखोगिरिफ्रा बे आइजेंखौं
गावसोरनो दिहुन्दों । बेखायनो

रंजालि गथ' फोरनि सौरा

नोजोर लाइसि

नोजोर लाइसि
खालामबाय नों दानफ्रोमबो
आंखौं आखाइ फोलावना फरायगिरि ।
नोंनि रेदें-रेदें बिदै गोनां
खन्थाइ सुंद' सल' गोबोंनि रादाबआ
आंखौंबो खन्थाइ लिरगिरि जानो
थुलुंगा होबाइ ।
हारिनि राव थुनलाइ
हारिमु फोजाखानो आंबो नाजाबाय
"नोजोर लाइसिनि" आंगो लोगिरि जाना ।
फैमाल दाखालाम नों लाइसि सुबुंनि
हाबिला गोसोखौं जाफुंसार हो
दानफ्रोमबो फरायगिरि महरै ।

मुसि बिनय ब्रह्म

गामि-डालवाबादि

जिल्ला-कक्राझार, (बड'लेण्ड)

जोंनि हादत

बे जोंनि हादोद,
रावनिबो नड बे हादोदआ
नोंनि आनि रावबो गैया बे मुलुगाव
जाय सुबुडव जिउ गारनानै थानों
गावनि हादोद सिबिनायनि
थाखाय मुंखलं जालादों ।
बे हादोदआवनो थानों
बे हादोदआवनो जादों
नाथाय रावबो खिन्था रोड
गेदेमाफोरनि सलमा, रायथाय
जाय सुबुंआ गावनि गाव
हादोरखौं सिबि लादों
गावनि मुंखलं सान फालिलादों ।
हादोदआवनो उजिदों हादोदआवनो थानों
हारि मोनसेयैनो गावबा गाव आवागय
लादों.....
हारि मोनसेयैनो जयै थानों
जाय गेदेमाया गावनि गाव हारिखौं
फेदेर लादों बेसो जादों,
बेसो जादों हादोदनि आगोमा फिसा
बेसो जादों हादोद सिबिग्रा ।

कनिस्वर बरगायारी

बर' राव थुनलाइ

जों नै बे मुगानि फरायसा हान्जा
बेखेव लांगोन जों बर राव थुनलाइ
इनयानि हेंथायै गंसं थेना ।
सैथोनि लामाजों आगान सुरना
हान्जा हान्जा दावगा लांगोन
बर राव थुनलाइ सिबिनी ।
उदांश्री हास्थाय सुला हास्थायसुलि
बेखेव लांगोन जों बर राव थुनलाइ
जो सिबिगोन बर' थुनलाइखौं ।
जों सोलोंगोन बर' हारिमु राव खान्थि
गनायगोन जों हारिनि बोसोनखौं
जों सिबिगोन बर' थुनलाइखौं
दे जाखंदे देरहासात बर' बिमा थुनलाइ
जेब्लाबो गेजेन नड बर' नि बिमा थुनलाइआ
देरहासाद बिमा राव गेवलांथों थुनलाइआ
जोखांबाय हारिया..... ॥

मिस रिखु नार्जारी

आंनि जायखलंआव

आंनि गोसोनि जायखलंआव
नुजाफेबाय थायो ।
हायना गोनां अनमुलि महरा
गेले फेयो नों आंनि
बिखा गेजेराव ।
बावनो हाया मानो नोंनि बिबार
बायदि समायना महरखौं,
जाखां फैबाय थायो जानाय-लोंनाय
हरनि समाव निन गैला
साननि समआव गोजोन गैला
आंनि बे बिखा गेजेराव
मानो गेले फैबाय थायो
नों र'जे ।
रायज्जायनो हाया बुनो हाया
आंनि मेगन थाइनेनि नोजोराव
उसाव बादाव जाबाय आं,
आंनि जायखलंआव जाखां
फैबाय थायो नों र'जे ।

थनिजा ब्रह्म

बिसोरो बेखौं गोसो बायदियै
सालायनो हायो । आरो मोनसे
गोमोथाव खोथाया मा
मिथिगौ ? जिउ गोयै गोसोआ
गावनि मेगन, मोखां, खोमा,
खुगा, लान्जाय बायदिफोरखौं
जिउ गोनां मोसौ बायदि
सोमावनो हायो । बबेखानि बेयो
जायगाखौल' सोलायनो
हाया । बे दावश्रोदोनो हायै गोहो
गोयैनि थाखाइनो गिदिंला
बायनो हाया । आइजेंनि मोसौआ
माब्रै गायखेर होयो ? बेयो
गोमोथाव खोथा । घाटनिफ्रायबो

मोन्नो हायो ।
गोनोखोगिरिफ्रा गोबाव
नाजानायनि गेजेरजों बेखौं
दिहुन्नो हादों । आमेरिकायाव
मोनसे रोखोमनि गायखेर दं ।
नायनो खासि बिफां बायदि बे
गोसोआ गोदो । बेनि अनगायैबो
माखासे फिसा फिसा बिफां दं ।
गोनोखोगिरिफ्रा बे बिफांखौं
सिफलेनानै गायखेर बायदि गुफुर
आंखारो बेखौंनो नोजोर होनानै
मिथिनो मोन्दों । दि
बिफांनिफ्रायबो गायखेर
आंखारो ।

नों रजेखौं

गोमोथाव नोंनि महरा रजे--
जेबोला नोंखौं नुयो जेराव-मेराव
जेबोला नों थाबाय लाडे दाव दिंखुर बायदि
जेबोला नोंनि राव खोनायो दाव मैनानि गारां
अबोला आंखौंनो आं बावगोमा फलाडे ।
आंखौंनो आं बावगोमा फलाडे !
मोन्नाय मोनब्ला नोंनि अननाय,
आजावनाय मोनब्ला आंनि अननाय ।
हाबाव मादि माया गोनां नोंनि महरा ?
बे नोंनि समायना सोलेर महरानो
आंनि बोदोर गोसो सोलेराव
सिखिरि जानानै बिरफाबाय थायोनों रजे--
आंनि जिउ सोलेरनि सेर-सेर ।
आंनि बोदोर जावलिया गोसोआ
नोंखौल' मोन्नो हास्थायसै रजे
मा राहाजों मोनगोन इसिबां गोमोथाव
महर गोनां नों रजेखौं ॥

मुसि सोर खुंगुर बर'

कक्राझार ।



(1 बिलाइनिफ्राय)

(1 बिलाइनिफ्राय)

(1 बिलाइनिफ्राय)

गिबि मन्थ्रि शर्माआ दै रानसारथाय आरो हा सरैखाथि बिफाननि बिबानगिरिफोरजों मेल जथुमदों

जाहोनखौ गिबि मन्थ्रिनो फोरमायथियो। बे मेलनि गेजेरजोंनो गिबि मन्थ्रि शर्माआ टेरिटरियेल डिभिजनखौ 10 साननि गेजेराव खालामनानै लानो आरो मोनसे डिभिजनखौ सासे इन्जिनियारआ दैदेन्नो थाखाय बिफानखौ बिथोन होनाय जायो। बे मोन्ने बिफाननि सिडाव जायखि-जाया आद्रा थानाय आरो सोलिबाय थानाय बिथांखिफोरखौबो थाबैंनो मावफुंनो थाखाय गिबि मन्थ्रिआ बिथोन होयो। दिनैनि बे मेलयाव हा सरैखाथि बिफाननि मन्थ्रि उखाउ गोरा ब्रह्म, दै रानसारथाय बिफाननि मन्थ्रि अशक सिंगाल, गिबि मन्थ्रिनि प्रिन्सिफाल सेक्रे टारि समिर कु मार सिन्हाजों लोगोसेनो गुबुन गोबां गोजौ थाखोनि मावख 'गिरिफोराबो बाहागो लादोंमोन।

पागलादिया दैसानि हा खुरखानायखौ होबथानो जिअ बेग आरो पार्कुपाइन गायसन्नायानि हाबाया दिनैसिमबो अबुं जायाखै

गेजेरावनो थिकाडारा माथावरि लुफुंनायनि खामानिखौ मावजेनदोंमोनब्लाबो दिनैसिमबो अबुं महर मोनासै बे माथावरिया। जायनि जाहोनाव ओन्सोलनि सुबुंफोरा जिंगासिनो गोनं जादों। गासै 3 कौटिसो रां खरसा खालामनानै लुफुंबाय थानाय माथावरिया बायलांनो हमदों। बेबायदिनो दिनैसिमबो अबुं महर मोनाखौ हा खुरखानाय होबथाया पार्कुपाइन आरो जिअ बेगनि खामानिया। ओन्सोलनि सुबुंफोरा अजद होनाय बादिब्ला खोन्दोयाव लुफुंनाय माथावरिया फिसा आरो गाहाय जादों। लोगोसे बाला हाजों बे माथावरिखौ लुफुंनाय जादों होन्नानै अजद होदों ओन्सोलनि सुबुंफोरा। गुबुन फार्सेथिं गिबि अखा हाजेन्नायावनो जिअ बेगआबो खहा जादों। आधिखालाव माथावरि लुफुंनायनि खामानिया सोलिबाय थादोंब्लाबो गोहैलो आखुयै खामानि मावनायाव ओन्सोलनि राइजो-राजाफोरा जिंगासिदों। मानोना थानाय समफोराव पागलादियै दैसानि दै लोमसावनायाव जारतालुका गामिजों लोगोसे खमैबो गं 10 गामिफोराव दै बाना सोमजिनायाव गोबां खहा जाबोदों। बिफानारि खुंथाया जेरैखि जाया माथावरिखौ आबुडे लुफुंनो नाजादोंब्लाबो दैसा सेराव थानाय राइजो-राजाफोरा जिंगासिनानै सानफोरखौ बारहोनो गोनं जादों।

ए आइ आर गुवाहाटीनि प्रग्राम अफिसार नरेश्वर चैनारिनि रुंसारि जानायखौ बर' थुनलाइ आफादआ दुखु फोरमायदों

बयनिबो आंगो बिबानगिरिमोन। बिथांनि अबथिरा जिउ गोमानायाव बर' माहारिया सासे गोजौ थाखोनि मिरु सरकारजों सामलायजानाय मावख 'सालिनिफ्राय बिबानगिरि खोमोनो गोनं जाबाय। बिथांनि अबथिरा जिउ गोमानायाव दुलाराय बर' थुनलाइ आफादआ नख 'रनि सोद्रोमाफोरनिसिम गावसिनि गोथौ दुखु मोन्नायखौ फोरमायथिनायजों लोगोसे बिथांनि जिउमाया जाहाथे अबंलाउरिनि खाथियाव आलो गोजोनै जायगा मोन्नो हायो बेनि थाखाय आर'ज गाबहरो।

गुबुन फारसे बर' लाइमोन लिर्गिरि गौथुमआबो बिथां नरेश्वर चैनारिनि अबथिरा जिउ गोमानायखौ गोथौ दुखु मोन्नाय फोरमायदों। थैनाय समसिम बिथाडा अल इन्डिया रेडिअ गुवाहाटीनि प्रग्राम एगिजिकडिउठिभ महरै बिबान सामलायबोदोंमोन। बिथाडा सासे आधिखालनि लाइमोन लिर्गिरिफोरखौबो थुलुंगाखां होनानै सल', खन्थाइ खाबु होनानै थुलुंगाखां होबोदोंमोन होन्नानै बर' लाइमोन लिर्गिरि गौथुमआ मिथिहोनायजों लोगोसे बिथांनि रुंसारि जानायाव दुखु फोरमायनायजों लोगोसेनो बिथांनि जिउमाया जाहाथे आनान गसाइनि खाथियाव आलो-गोजोनै थाहैनो मोनो बेनि थाखाय नख 'रनिसिम आर'ज गाबनायखौ मिथिहोयो।

एरैहाय थुनलाइयारि हान्जा खन्थाइ बिबार हान्जानिफ्रायबो नरेश्वर चैनारिनि रुंसारि जानायखौ गोथौ दुखु मोन्नायखौ फोरमायहन्नायजों लोगोसे बिथांनि जिउमाया सोर्गायाव आलो-गोजोनै थानो हायो बेनि थाखाय हान्जानि जानानै गाहाय सामलायगिरि दिपेन चन्द्र बर'आ अबंलाउरिनिसिम आर'ज गाबहरो।

कक्राझारआव जिनाहारि खालामना बुथारनाय जाथायखौ लानानै गुबुन गुबुन फरायसा आफादफोरा हेँथा सोमावसारदों

बिजिरसालिनि गेजेरजों बिजिरनानै फासि होनांगौ होन्नानै सोमावसारगिरिफोरा दाबि दैखाडो। राभा फरायसा आफादनि कामरुप जिल्लानि आफादगिरि अजित राभाया बक' सार्कल बिबानगिरिनि गेजेरजों गिबि मन्थ्रि ड॰ हिमन्त बिश्व शर्मानिसिम गांसे गोसोखांलाइ दैथायहरो। गुबुन फार्सेथिं थानाय 20 फेब्रुवारीयाव शनिवपुर जिल्लानि डेकियाजुलि पुलिस थानानि सिडाव थानाय बालिगावनि बिमा आरो फिसाजोखौ जिनाहारि खालामनानै बुथारनाय जाथायाव लोब्बा थानाय दायनिगिरिफोरखौ दिनैसिमबो पुलिस खुंथाया हमनो हायैनि सायावबो गांसे गोसोखांलाइनि गेजेरजों बे जाथायखौ गिबि मन्थ्रि आरो पुलिस खुंथाया गोनांथि होनानै थाबैंनो दायनिगिरिखौ हमनानै गोखों साजा होनो आफादा खावलायहरो।

मिरु सरकारा बरमाआव भारतीय राव मुलुगसोलोंसालिनि सा-सान्जा बादा गायसननो थांखि लादों

सरकारनो बिबान होयो आरो राञ्यो सरकारा बे बिथिनि सायाव गोजोन्नाय फोरमायनानै बे बादाखौ बि टि आर ओन्सोलाव गायसन्नो थांखि लानानै बेनि थाखाय बि टि चि खुंथायखौ गोनांथि जानाय हाखौ थि खालामनो बिबान होयो। बे बायदियैनो बि टि चिनि सेक्रेटारिया थानाय 11 जुनखालि मेम' नं बि टि चि/एन आर 243/2021/13 नि गांसे लाइजामनि गेजेरजों बाक्सा जिल्ला सार्कल बिबानगिरिनो बरमानि खारुवाजानआव खमैबो 60 बिघा सरकारि हाखौ थि खालामनानै मुलुगसोलोंसालिनि हानि सोमोन्दै गासैबो खामानिफोरखौ आबुडे मावफुंनो बिथोन होयो। सरकार भारतीय राव मुलुगसोलोंसालिनि बादाखौ गायसन्नायनि गेजेरजों फेगौ समाव बि टि आर ओन्सोलाव गोजौ सोलोंथाइ बिथिंखौ जौगाखां होनायनि थांखि लानायखौ बरमा एबा बाक्सा जिल्लानि राइजो-राजाफोरा गोजोन्नाय फोरमायनायजों लोगोसे बरायो। बेराफार्से जिल्लानि कदमतल स'कआव सेइन्ट ज'स मुलुगसोलोंसालि मुंजों गुबुन गंसे गावआरि खोन्दोनि मुलुगसोलोंसालि गायसन्नो थाखाय बिबानगिरिया 500 बिघा हा बायनानै लुफुंथायनि खामानिखौ जागायजेनबाय होन्नानै मिथिनो मोन्नाय जादों।

राइजो सरकारनि गोदान एस अ पिआ चिरांनि बिजनीआव गोहोम गोग्लैदों

धाबा, रेगुरेन्ट, सरकारि-बेसरकारि मावख 'फोरा। गोदान एस अ पिआव मख 'नाय बादियै बेफोर जिझाफोरा बेलासि 5 रिंगानिफ्राय फुंनि 5 रिंगसिम कारफिउनि गोहोम थागोन। बेलासि 4 रिंगा जानाय लोगो लोगोनो बिजनी नोगोरखौ लाफानानै बिजनी ओनसोलनि गोबां हाथाइसालि, गलाफोरा बन्द जानायखौ नुनो मोनदों। राइजो सरकारनि गोदान एस अ पिखौ मान होनानै बिजनी नोगोरनि गलादारफोरा बन्द खालामदों गावनि गला, बायदि फालांगियारि फसंथान।

चिराडव दै बानानि थाखाय साखा-फारा जानायनि सायाव जिल्ला खुंथायनि गोनांथार सावराय मेल

दैज्लां बोथोरनि समाव दै बाना सोमजियोब्ला सुबुंफोरखौ दै बानानिफ्राय रेहाय मोनहोनायजों लोगोसे दै बाना जायोब्ला जेनायाव भुगिनांनाय सुबुंफोरखौ हेफाजाब खालामनायनि रहा लानो थाखाय थक-थियारि जादों चिरां जिल्ला खुंथाया। दिनै बे आयदाखौनो लानानै काजलगावआव थानाय चिरां जिल्ला बेंगिरि मावख 'नि सावरायया खथायाव उफ्रा जिल्ला बेंगिरि अजित कुमार शर्मानि मासि सामलायनानै दैदेन्नायाव जिल्ला खुंथायनि बिबानगिरिफोर आरो गुबुन गुबुन बिफाननि बिबानगिरिफोरखौ लानानै मोनसे नायसं मेल जथुमनाय जादों। चिरां जिल्लानि थाखाय आसाम स्टेट डिजेस्टर मेनेजमेन्ट अट'रिटिनिफ्राय नडाल अफिसार बिरेन बैश्वनि नुजाथिनाय बे मेलयाव देग्लायनि दैज्लां बोथोरनि समाव दै बाना सोमजिनायखौ दबथायनायजों लोगोसे सुबुंफोरखौ रेखाथि होनाय आरो गासै बिथिडव दै बानानि थाखाय साखा-फारा जानाय आयदाखौ लानानै गुवारै सावरायलायनाय जायो। बे मेलयाव दै बाना सोमजिनायनि थाखाय चिरां जिल्ला खुंथाया साखा-फारा जानायनि फारिखान्थिफोरखौ पावार पइन्ट प्रेजेन्टेसननि गेजेरजों रोखा-रोखायै फोरमायथियो। ए डि सि बैश्वआ गावनि बिबुंथि लाखिनायाव भुटान हादतजों सिमासे हिसाबै हाजोनिफ्राय बोहैख्लायबोनाय माखासे दैमाफोरनि दैया गिखंथाव महर लाबोनाय हिसाबै चिरां जिल्लालाया दै बाना सोमजिनाय मोनसे गाहाय ओन्सोल महरै मख 'नानै दै बाना जानायनि सिगां-सिगां दै बाना सोमजिनाय ओन्सोलफोरखव थाखानाय गं 6 राबार नावनिफ्राय आरोबाव गं 4 नाव बांहोबावनो, लाड मन्डलफोरनि थाखाय राबार भुट, मेगा फन, एन डि आर एफ आरो एस डि आर एफनि सांथ्रिफोर थिसन्नो थाखाय थियारि खालामनो ए एस डि एम एनि मावख 'गिरिफोरखौ बिथोन होयो। देग्लायनि दैज्लां बोथोरनि समाव दै बाना सोमजियोब्ला जेनायाव गोलैनाय सुबुंफोरखौ नांगौ रोखोमनि हेफाजाब होनो हानाय बायदि जिल्ला खुंथाया रहा लागोनखौ उफ्रा जिल्ला बेंगिरिया मिजिंथिदों। बेजों लोगोसेनो दै बाना सोमजिनाय एबा गोहोम गोलैग्रा ओन्सोलफोरखव दावबायहैनानै रिपट बुथुमनो आरो गोनांथि जानाय बायदि रहा बादफोर फसंनो हाथाव जायगाफोरखौ सायख 'नानै थियारि खालामनो थाखायबो नडाल अफिसार बैश्वआ दै फुंखा बिफाननि मावख 'गिरिफोरजों लोगोसे सार्कल आफिसारफोरखौ बिथोन होदों। बे मेलनि गेजेरजोंनो नडाल अफिसार बैश्वआ रहा बाद फसंनायनि थाखाय सरकारनि होनाय एस अ पि एबा कभिड प्रटकलफोरखौ मानिनानै सोलिनो लोगोसे रहा बादफोरखव गोनां जानाय माखासे राहाफोर जैरै लोंग्रा दै, हौवा आरो आइजोफोरनि थाखाय आलादा-आलादा खिखरसालि, मोब्लिब बायदिफोरखौ जगायनायनि थाखायबो साखा-फारा जानो बिबानगिरिफोरखौ बिथोन होदों।

दिनै मिरु रेखाथि बिफाननि मन्थ्रि राजनाथ सिंआ आसामआव दावबायफेगोन

जारिमिनफोरखौ खान्थि बायदियै नोजोर होनानै 5 बोसोरनि गेजेरावनो गासैबो दावहानि जारिमिनफोरखौ बुथुमनानै माहारि थाखोयाव गथायनो थाखाय हाबाफारि लागोन। जरखायै 5 बोसोरनि गेजेराव थानाय मुलुग दावहाफोरखव माखासे सेबखांजानाय नंगुबै सावगारिफोरखौ जथायनानै एकाडेमिक रिसांनआव गथायनो नाजागोन होन्नानै सकारि सुलुडव फोरमायथिदों।

फुंखा थुनलाइयारि गौथुमनि 3 थि जोनोम सान फालिदों

एकाडेमियाव करना भाइरासनि नेमखान्थिखौ मानिनानै सोलिनायनि गेजेरजों फालिनाय जादों। मख 'नो गोनांदि, बे थुनलाइयारि गौथुमनि मोन्थोरा जाबाय: फराय, सोर्जि आरो फेहेर। बे मोन्थोरनि गुबै थांखिखौ लानानै फुंखा थुनलाइयारि गौथुमआ जोनोम जाजेन्नायनिफ्राय दासिम खामानि मावबोबाय थादों आरो इयुनावबो मावलांबाय थागोन। दिनैनि बे जोनोम सान फारिलनाय हाबाफारिनि गेजेरजोंनो ओन्सोलनि गागि लिर्गिरि, गोदान लिर्गिरि बान्था मोनगिरिफोरखौ बरायदों। जैरै 2021 आव समेश्वरनि बान्था आरो आबौ कबाम राजा, उत्तम चन्द्र केरकातारि बान्था आवथायनो हानाय हांखाय उजिरखौ बरायनाय जादों। बेबायदिनो 2021 नि बर' थुनलाइनि अजा सुकुमार बसुमतारि थुनलाइयारि बान्था मोन्नो हानाय देबसिं बसुमतारि, 2021 आव फुंथुगौनि बान्जायनायाव बोसोरारि फुंखा थुलुंगा बान्था मोन्नो हानाय रेसुमै बर', रुंसारि नगेश्वर ब्रह्म थुनलाइयारि बान्था मोन्नो हानाय तुनुन दैमारि, 2021 नि फाथथाय लिस्नाय बान्था मोन्नो हानाय एस के बसुमतारि, 2021 आव इन्डियान आर्ट फेडारेशनआव गावनि सावगारिजों लोगोसे खोला भारत सावथुन मुलुगनि फावखुंगुर आलु अर्जुनजों सावगारि आखिनानै भारत हादतनि गेजेराव सेथि बान्था आवग्रिनो हानाय थराइना सानस्रि ब्रह्म मुसाहारिखौ बरायो। बे हाबाफारियाव बाहागो लाफेदोंमोन जालाह ब्लाकनि आइ सि मन्तु बर', सापागुरि कक्लाबारि बर' थुनलाइ आफादनि आफादगिरि चन्द्रकान्त बसुमतारि, बर' सावथुन मुलुगुनि मुंदांखा फेस्ता फावखुंगुर मेन्देला ब्रह्म, फैला बरायारि, बड' उमेन जास्टिस फरामनि आफादगिरि लिला बसुमतारि आरो ओन्सोलनि गोबां गुबुन गुबुन आफाद गौथुमफोरनि बिबानाव थानाय दैदेनगिरिफोर, फोरोंगिरिफोर आरो मेलेमजिबिफोरजों लोगोसे ओन्सोलनि गोदान-गोजाम लाइमोन लिर्गिरिफोरबो बाहागो लानानै हाबाफारिखौ मेहेर गोनाडै जाफुंसार खालामदों।

नृत्य कला एकाडेमिनि बान्जायनायाव एम एल ए लरेन्स इसलारि आरो बि टि सिनि मावफुं सोद्रोमा दावबायसा बर'खौ बरायदों

बिफाननि खामानि मावनायाव आवगायनो हायाखै। बे बाश्राखौ बुंदों सोलिफु बि टि सि सरकारनि हारिमु बिफाननि मावफुं सोद्रोमा दावबायसा बर'आ। दिनै खौरंगिरिफोरजों जानाय मोनसे मोगा-मोगियाव दावबायसा बर'आ फोरमायदोंदि, बि टि सिनि हारिमु बिफानआव नांगोसेबां मावफारियाफोर गैथेनि जाहोनाव खामानि मावनाय बेलेयाव गोबां जेना सोमजियो। थानाय गोबां बोसोरनिफ्रायनो सा 9 मावफारियाफोराल' हारिमु बिफानआव खामानि मावगासिनो दं। जायनि थाखाय बिफाननि मावनांगौ खामानिफोरखौ थि समाव आरो मोजां रोखोमै मावफुंनायाव जेना नुजाथिदों। सिगांनि बि टि सि सरकारनि समाव हारिमु बिफाननि खामानि मावनायखौ गोजोन्नाय मोनै फोरमायनानै मावफुं सोद्रोमा दावबायसा बर'आ बुंवावोदि, सोलिफु बि टि सि सरकारनि हारिमु बिफानआ हारि-धोरम बोरोन सायख 'याजासे गासै हारि-माहारिनि थाखाय हारिमु जौगाखानाय बिथिडव खामानि मावलांगोन। फेबाय थानाय समफोराव बि टि सि खुंथाया बि टि सि हालामनि गासै हारि, माहारिनि हारिमुखौ समानै जौगाखांहोनायनि बेलेयाव गोनांथि होगोन होन्नानै मावफुं सोद्रोमा दावबायसा बर'आ खौरंगिरिफोरनि सिगाडव बुंथियो। मख 'नाय जायोदि, दिनै नृत्य कला एकाडेमि आरो आइडिएल एन जि अनि बान्जायनायाव बि टि सिनि हारिमु बिफाननि मावफुं सोद्रोमा आरो सान्जा कक्राझार बियाबनि एम एल ए लरेन्स इसलारिखौ बरायदों।

आसाम नेपालि थुनलाइ आफादनि बि टि आर ओन्सोलारि कमिटिनि समायखिरा लानाय हाबाफारि खुदों

हाबाफारि खुंफुंनाय जायो। आसाम नेपालि थुनलाइ आफादनि मिरु आफादगिरि दुर्गा खतितडुनि आफादगिरि मासि सामब्लायनायाव खुंफुंनाय 'झुम' मेलाव मिरु कमिटिनि मावफुं आफादगिरि ड॰ सिन्तामनि शर्मा, मिरु गाहाय नेहाथारि रुद्र बरालआ बि टि आरआव थुनलाइ आफादनि ओन्सोलारि कमिटिनि गोनांथिनि सायाव बिबुंथि होयो। बे हाबाफारियाव मिरु आफादनि आफादगिरि दुर्गा खतितडुया कक्राझारव कृष्ण बाहादुर थापाखौ आफादगिरि, उदालगुरिनि गार्थत्रि भत्तराइखौ मावफुं आफादगिरि, बाक्सानि चन्द्र प्रसाद धिमिरेखौ नेहाथारि, काजलगावनि सबिलाल निर 'लाखौ लोगो नेहाथारि, कक्राझार, चिरां, बाक्सा आरो उदालगुरि जिल्लानि आफादगिरिफोरखौ बि टि आर कमिटिनि लेडाइ आफादगिरि महरै दिनैनि हाबाफारिनि गेजेरजों समायखिरा लाहोयो। कक्राझारनि बिष्णुप्रिया दाहालआ लेडाइ आफादगिरि, उदालगुरिनि बैद्यनाथ उपाध्याय आरो भिष्म उपाध्यायआ मावफुं सोद्रोमा महरै समायखिरा लायो। मिरु आफादनि मावफुं आफादगिरि ड॰ सिन्तामनि शर्माया मेलनि बराय बिबुंथि लाखियो आरो गाहाय नेहाथारि रुद्र बरालआ बि टि आर ओन्सोलारि आफादनि नेम-खान्थिखौ बेखेवना होयो।

आसामआव गोदानै गं 5 मुलुग सोलोंसालि गाइसन्नो थिरांथा लानाय जाबाय राइज्यो सरकारा

जाफुडोब्ला दायनिगिरिफोरखौ हमनो हानाया गोखोंसिन जागोन होन्नानै गिबि मन्थ्रि ड॰ शर्माआ फोरमायथिदों।

बेनि अनगायैबो गथ 'सा आरो गोबोंवटि आइजोफोरनि पुस्टिनि थाखाय समाज अन्साय बिफानआ बिथांखि लानाय बायदियै पुरि पुस्टि आस 'निखौ गोखौडै मावफुंनायनि थाखाय बे बिथांखिनि मुडव बायनाय माइरं आरो एफ सि आइनिफ्राय थोंजोडै बायनायनि थाखाय आसाम केबिनेटआ दिनै थिरांथा लायो। बेनि जाहोनाव सरकारि धोनआ बाहायजायनायजों लोगोसे धोनखौ बायनायजों लोगोसेनो गुबुन पुस्टि गोनां मुवा-बेसादफोरखौ जगायनानै होनाय जागोन। बेनि अनगायैबो बे बिथांखिखौ मावफुंनो थाखाय सिलिनि रहा लानाय जागोन। बेनि अनगायैबो दिनैनि केबिनेटआव राइज्योयाव गोदानै मोन 5 मुलुग सोलोंसालि फारियै नारायणपुराव माधबदेब मुलुग सोलोंसालि, बजालिआव भतदेब मुलुग सोलोंसालि, माजुलि कालसारेल इडनिभासिंदी, गलाघातआव चति साधनि मुलुग सोलोंसालि आरो हजाइयाव रबिन्द्रनाथ ठाकुर मुलुग सोलोंसालि गाइसन्नो थाखाय गनायथि होनाय जायो। बेनि गेजेरजों दानिफ्रायनो मुलुग सोलोंसालिफोरव गुबुन गुबुन परिषदफोर दानानै सोलोंथायनि हाबाफारिखौ सामलायलांनो हासिगोन। जोबथारनायाव दिनैनि केबिनेटआ थांखि लानाय बायदियै आधिखालनि कभिड थासारिनि सायावबो गोथौ आरो गुवारै सावरायलायनानै खुंनो गोनां मेट्रिक, हाइ माइ्रासा आरो हायार सेकेन्डारि जोबथा आन्जादनि सायाव फेगौ 18 जुनआव थिरांथा लानाय जागोन होन्नानै थांखि लानाय जायो होन्नानै सकारि सुलुडव फोरमायथियो।

बीरबलनि सल'बाघा मुग्धि देवबार रामसियारी

सोलोनि आनजाद

फारसेथिं जेरै बीरबलआ सम्राट आकबरनि मन्थ्रि गुबुन फारसेथिं बियो सम्राटनि मानाव गेदेरबोमोन। बनि मुंआ जेरावबो गोसारदोंमोन। बनि सोलो आरो रोगीथिनि खोथाया बै टुरस्कनि सुलटाननि खोमायावबो गोग्लैहैदोंमोन। सुलटानआ बीरबलखौ नायनो जोबोर लुबेदोंमोन नाथाय बायदि जाहोनाव भारतसिम फैनानै बीरबलखौ नायफेनो हायाखैमोन। टुरस्कनि सुलटान आरो दिल्लीनि सम्राट आकबरआ जोबोर लोगोमोन। बियो बीरबलखौ हेहरनानै बुंबाय-' बीरबल। आंनि लोगो टुरस्कनि सुलटानआ नोंखौ बनि हादोरसिम लेंहरदों, बेनिखायनो नों थांनो थाखाय थियारि जाबाय।'

सम्राट आकबरनि खोथा बादियै मोजां सान नायै-हुयै बीरबलआ टुरस्कसिम थांदोंमोन। बीरबल थानाय खौरांखौ सिगांनो सम्राटआ सुलटाननो दैथायहरदोंमोन। बीरबलआ टुरस्क' मोनहैनाय लोगो लोगो सुलटानआ बिखौ मोनसे जोबोर गिदिर आलासि थाप्रा न'आ दोन्दोंमोन। बायदि रोखोमनि जाग्रा मेथाय, रंजानाय बाजानाय आरिजों बीरबलआ गिबि सानखौ हगार हरदोंमोन। नैथि सानाव बियो सुलटानजों नुजानायनि बिथोन मोननायसै।

बीरबलआ नुजानाय सान खालि सुलटानआ बीरबलनि सोलोखौ आनजाद नाइनो थाखाय मोनसे खामानि मावदोंमोन। बियो राजआफादनि सोद्रोमाफोरजों लोगोसे जफादोंमोन। राजआफादआ नुजाथिनायफोरनि बादि गानग्रा गान्दोंमोन। बियो जेब्लाबो ज'ग्रा मासिया लांदां जानानै दंमोन। सुलटानआ बिदि खालामनायाव राजआफादआव नुजाथिनाय गासैबो बनि फार्से नोजोर होदोंमोन आरो गासै मानसिया सोमो नांदोंमोन। सुलटानआ नाथाय बेफार्से गोसोखौनो होआखैमोन। बनि नोजोरा खालि बीरबलनि सायाव। बीरबलआ राजआफादआव हाबनानैनो सुलटाननि मासिखौ लांदां जानानै थानाय नुदोंमोन। राजआफादआव नुजाथिनाय गासै मानसिफोरनिसिम नोजोर होना सुलटानआ बहा दं हमनो हादोमोन आरो बनि सेराव थानानै खर' गंग्लायहैदोंमोन।


ऐसबां मानसिनि गेजेराव साधारन सि गानानानै थानाय आरो खेबसेबो नुफेरै सुलटानखौ माबोरै सिनाय मोनखौ होनना सौनायाव बीरबलआ बुंनाय-' महाराज। आं बे राजआफादआ हाबफैनानैनो नोजोर होदोंमोन-' गासैबो मानसिया नोंथांनि फारसे नाइहरदों आरो नोंथाड नाइहरदों राजआफादनि गाहाय दरजानि मोखांसिम। होमब्लानो आं हमनो हादोंमोनदि-नोंथाड आंनि सोलोखौ आनजाद नाइदों। बेनिखायनो नोंथांखौ सिनाय मोननायाव आंहा जेबो बेखावु जायाखैमोन।'

सुलटानआ बीरबलनि सोलोखौ बाखनायदोंमोन। गासैबो मानसिया बीरबलखौ जैधोनि होदोंमोन। फ्राय मास मोनसेसो सम बीरबलआ टुरस्क'नि सुलटाननि आलासि जादोंमोन। बनि सोलो आरो गियाननि खोथाया गासै बुहुमावनो गोसारदोंमोन।



सलीम खान-जाबेद आख्तारनि हिट जरायाव डक्युमेन्ट्रि बानायसिगोन

गोदान दिल्ली, 16 जून : सलीम खान-जाबेद अख्तारनि हिट जरायाव डक्युमेन्ट्रि बानायसिगोन। बेनि थाखाय सा 3 गिदिर सावथुननि स्तरफोरा लोगोसे फेगोन। दासिमनि बयनिखुइबो देरसिन फोसावनायफोरनि गेजेराव मोन 3 गाहाय प्रडाक्सन हाउस सलमान खान फिल्लम एकसेल एन्टारटेनमेन्ट आरो टाइगर बेबी फिल्मसआ थाबेनो सलीम खान आरो जाबेद आख्तारनि डक्युमेन्ट्रिपंगी यंग मेनखौ दिन्थिनो थाखाय लोगोसे फेनो थियारि जादों। बिसोरि मुंदाखा इन्डस्ट्रिनि बयनिखुइबो मुंदाखा लिरगिरिफोरनि गेजेराव सासे। बे डक्युमेन्ट्रिआ सलीम-जाबेदनि दावबायनायखौ मोजाडै दिन्थिनाय जागोन। नम्रता रावनि गेजेरजों बिथोन होनाय डक्युमेन्ट्रिखौ बानायनाय



सलमान खान, फरहान अख्तार आरो रिशे सिधवानी (एकसेल एन्टारटेनमेन्ट) जया अख्तार आरो रीमा गाली (टाइगर बेब फिल्मस) नि दैदेन्नायाव मोनथाम बेनारनि गेजेरजों मोनसे जुथाय उद्यग महरै खालामनाय

जागोन। बे प्रजेक्टआ बै मुगानि जादुखौ केप्चर खालामगोन जायखौ सलीम जाबेदआ लोगोसेयै बानायदोंमोन। सलीम जाबेदआ स्तरनि महरै सिनायजानायनि सिगां भारतीय सल' लिरगिरि जानायनि थाखाय मोनथिजायो, जाय दासिमनि बयनिखुइबो जाफुं सारनाय भारतीय सल लिरगिरि जादों आरो 1970 नि जौथाइआव भारतीय सावथुनआव सोलायनाय लाबोदों, बलिउडनि फर्मुलाखौ सोलायहोदों आरो गोदानै जागायदों। फार्सेथिं बलिउड ब्लक बास्टर फेरमेटरखौ सामलायबोदों।


मिथुन चक्रबर्तीआ 71 बोसोर फुरा जाबाय

गोदान दिल्ली, 16 जून : बलिउडनि मुंदाखा फावखुंगुर, देंखोगिरि आरो प्रडिउसार मिथुन चक्रबर्तीनि दिने 71 थि जोनोम सान। बी टाउनआव सुबुंफोरा बिखौ अन्नानै मिथुन दा' बो बुजे। दिनेनि सान एबा 16 जून 1950 आव मिथुनआ जोनोम जादोंमोन। थानाय बोसोरनि नभेम्बरआव मिथुन चक्रबर्तीआ उत्तराखान्डनि मसुरीआव बिबेक अगिनहत्रीनि सावथुन दा काश्मीर फाइलस'नि सुटि खालामदोंमोन आरो बे समावनो बियो हरखाबै सुटि सेटआव गोग्लैदों। हरखाबै सुटिखौ दोन्थ'नो गोनां जायो, नाथाय देहाया



गोब्राव जानायनि उनावबो मिथुनआ बै सिनखौ फुरा खालामनो हास्थायदोंमोन। जायखौ बानायनाय समाव बिन देहाया गोब्राव जादोंमोन। बेनि सोमोन्दै बिबेक अगिनहत्रीआ मिड डेजों बाथा सावरायनानै बुंदों मोनदि, मिथुनआ जाय सीननि सुटिखौ खालामदोंमोन, बेयो मोनसे एक्सन सिनमोन बे सिनआ आबुडै बिन सायावनो फकासमोन नाथाय बिनियाव फुट पइजनि जादोंमोन आरो बियो गसंनो हानायनि थासांरिआवबो गेयामोन। बेनि उनाव गोबां ब्रेक लानायनि उनाव बियो बे सिनखौ फुरा खालामदोंमोन।

बबी देअलनि फिसाज्ला आर्यमाननि सावगारिया खौराडव थाबाय थादों




गोदान दिल्ली, 16 जून : बलिउड फावखुंगुर बबी देअलनि केरियारआव गोबां दावखलायलाय दावखोलाय जादों। फार्सेथिं आरोबाव खनसे बबीआ लाइम लाइटआव फेदों। बबीआ गावनि प्रफेसनेल लाइफजों लोगोसे गावनि पार्सेनेल लाइफखौ लानानैबो गोबां खौराडव थाबाय थायो। बेनि गेजेरावनो बबी देअलनि फिसाज्ला आर्यमाननि सावगारिया खौराडव फेदों। आर्यमाननि सावगारिखौ नुनानै ससियेल मिडियाआव इजजारफोरा बिन लुकखौ बिबौ धमेन्द्रजों रुडुदों। फार्सेथिं लाश्रियै फेन्सफोर आर्यमाननि लुकसखौ बाख्नायदों। बबी देअलआ

फिसाज्ला आर्यमाननि जोनोम सानआव बिजों लोगोसे गावनि गोबां सावगारिफोरखौ इन्स्टग्राम एकाउन्टआव सेयार खालामदों। बे सावगारिफोरव बिफा आरो फिसाज्लानि जराखौ गोबां मोजां नुनो मोन्दों। आर्यमाननि सावगारिफोरखौ सेयार खालामनानै बबिआ केप्सनआव लिरदों। हेपी बार्थ डे माय एन्जल।' बेवहाय नुनो मोन्दोंदि, बबीआ मोन 3 सावगारिफोरखौपस्ट खालामदों। बेवहायआर्यमानआ बिखौ गोबादों आरो खुदुमदों। आर्यमाननि बे सावगारिफोरव बबीनि फेन्सफोरजों लोगोसे स्तरफोराबो कमेन्ट खालामनानै जोनोम साननि गाहाम हामलायथि बावदों आरो लुकखौबो बाख्नायदों।

आमेरिका हादरआ दर 100 निखुइबो बांसिन हादरफोरनिफ्राय सैमा लाबोनायखौ होबथाबाय

गोदान दिल्ली, 16 जून: जानुवारि दाननिफ्राय बेराम गोसारनायनि खेफोदखौ नोजोर होनानै आथिखालाव आमेरिकाया दर 100 निखुइ बांसिन हादरफोरनिफ्राय गावसोरनि हादरआव सैमा लाबोनायखौ होबथाबाय। बेयो दैबादि हादर, जेराव रेबीजआ दासिमबो मोनसे जेना जानानै दड। बे होबथानाया 14 जुननिफ्राय सोलिबाय। आमेरिकानि भेट्गारि मेडिकेल एस'सिएसननि आफादगिरिआ सरकारनि बे थांखिखौ बाख्नायो। बेनि सोमोन्दै आफादगिरिआ बुडोदि, जों बेखौबो रोखा खालामगोनदि, जों गुबुन हादरफोरनिफ्राय गाहाम देहानि सैमाखौल' हादरआव लाबोगोन। जर'खायै एरैबादि सैमा जायफोरखौ



न'आव फिसिनाय जायो। बे होबथानाया हादरआव सैमाफोर लाबोनाय आरो गुबुन हादरफोरव सैमा हरफिन्नाय मोननैबो थासांरिआवनो सोलिगोन। बेनि सोमोन्दै आमेरिकानि बिबानगिरिफोर खौरं होयोदि, बोसोरफोरबो गार्सै 1 मिलियन सैमाखौ इउएसआव लाबोनाय जायो। बावैसो समाव रुस, इउकेन आरो कलम्बियानिफ्राय लाबोनाय सैमाफोरखौ रिजेक्ट खालामनाय जादोंमोन। बिसोरनि गेजेराव माखासे

सैमाफोर लाबोनायखौ आमेरिकायाव बेनिखायनो होबथानाय जायो। मानोना बेखौ लाबोनायजों सोमोन्दो गोनां फोरमानआ थि नडामोन। बबेखानि बे फोरमानलाइफोरव बे सैमाफोरनि बैसोआ 4 दाननिखुइ बांसिन होन्नानै फोरमायदोंमोन। 4 दाननि बांसिन सैमाफोरनाव रेबिजनि भेक्सिनआ बांसिनै गोहोम गैयै जायो। रेबिजआ जुनात आरो सुबुंफोरनाव जाया मोनसे गिख्थाव बेराम। बे बेरामआ मोनसे भाइरासजों गोसारो, जाय सुबुं एबा जुनातफोरनि नार्थस सिस्टेमआव गाज्रियै गोहोम गोग्लैयो। बेयो बांसिनै रेबिजजों भुगिनाय जुनात अरनायजों गोसारो। मख'नो गोनांदि, बे भाइरासआ एसेबां गिख्थावदि, जुदि बेनि लैखोनआ जागायोब्ला बेखौ कन्ट्रल खालामनाया जोबोद गोब्राव जायो आरो सम थानायाव भेक्सिन थुनायनि गेजेरजों बेखौ कन्ट्रल खालामनो हागोन। थानाय 1970-1988 नि गेजेराव

गाहाम देहानि राहा



डायबिटिज बेरामिफोरनि थाखाय बादामनि गाइखेरआ मुलाम्फा गोनां

जों दिने बेयाव बादामनि गाइखेरनि मुलाम्फानि सोमोन्दै सावरायगोन। अदेबानि बादामजों बानायनाय गाइखेरआ देहानि थाखाय जोबोद मुलाम्फा गोनां जायो। हेल्थ एक्सपार्टफोरनि बादिब्ला, बेयो देरहोरा-लावहोरा गुनफोरजों बुंफबनाय आरो ल' केलरि ड्रिंक, जाय देहानि थाखाय गोनां। (1) डाइट एक्सपार्ट डा: रन्जना सिंनि बादिब्ला, बादामआव थानाय केल्सियाम, मंगेनेसियाम, मैगनीज, भिटांमिन के, भिटांमिन इ, प्रटिन, जिंक आरो कपासखौ देहानि थाखाय गाहाम महरै गनायनानै लानाय जायो। बेयो गार्सै देरहोरा-लावहोरा गुनआ देहाखौ हेल्दियै लाखिनायजों लोगोसे स्क्रीन आरो खानायनि थाखायबो गोबां मुलाम्फा गोनां। (2) जाय सुबुंनाव मोसौ गायनि गाइखेर लौनायाव जेना जायो, बिसोरनि थाखाय बादामनि गाइखेरआ गाहाम जायो। (3) डा: रन्जना सिंनि बुंनाय बादिब्ला, हार्ट फांक्सन, बन हेल्थ आरो इमिउनिटिखौ स्ट्रुडे लाखिनो थाखाय देहाया भिटांमिन डिनि गोनां जायो, जायनि बयनिखुइ देरसिन फुंखाया सानलाइट होन्नानै गनायना लानाय जायो। बेबादिआव बादामनि गाइखेरआ साबसिन अप्पन। (4) डा: रन्जना सिंनि बादिब्ला, जुदि सानफ्रोमबो कापसे बादामनि गाइखेर लोडेब्ला बेयो सानफ्रोमबो केल्सियाम टेकनि 20-45 जौखोन्दे केल्सियामखौ जगायनानै होनो हायो। जाय हार्ट, बन्स, नार्थ बायदिखौ साबसिनै खामानि मावनायाव मदद खालामो। (5) डाइट एक्सपार्ट डा: रन्जना सिंनि फोरमायोदि, जुदि सोरबा डायबिटिजजों भुगिनांदोंब्ला सरसन्ना गाइखेरनि रुजुनायाव बादामनि गाइखेर लौनो हागोन। बेयाव सुगार कन्टेन्टआ जोबोद खम थायो आरो फाइबरआ थोजासे बिबानि थायो।

आल्का यागिनकजों लोगोसे हिमेश रेश्मीयानि गोजाम सावगारिखौ नुनानै फेन्सफोरा गोमोदों

गोदान दिल्ली, 16 जून: हिमेश रेश्मीयानि मोनसे गोजाम सावगारिआ ससेल मिडियाआव भाइरेल जादों। सुबुंफोरा बे सावगारिखौ नुनानै गोमोदों। माखासे सुबुंफोरा हिमेशखौ फावखुंगुर फारुख सेख बायदि नुदोंब्ला गुबुन माखासे सुबुंफोर बिखौ तारक मेहता का उल्ट चश्मानि मुंदाखा भिडे होन्नानै फोरमायदों। साफ्रोमबो बिन ट्रेन्सफोर्मसनआव गोमोदों। माखासे सुबुंफोरा हिमेशखौ बैसोजों लोगोसे उन्दै जादों होन्नानै बुंदों। भाइरेल जानाय सावगारिआव हिमेशजों लोगोसे आल्का यागिनकखौबो नुनो



मोन्दों। हिमेशआ शार्टगान्दों आरो बिखौ बेवहाय सिनायाखै। हरखाबै हिमेश रेश्मीयानि देंखो शुरु 2021 आ रिलीस जादों। बेनि उननिफ्रायनो बे सावगारिआ भाइरेल जादों। सुबुंफोरा बेनि सायाव गोमोथाव कमेन्टफोर खालामदों। सासे इउजारआ लिस्टों-जों साफ्रोमबो मिथिगोदि बियो फारुख शेख सार। गुबुन सासेआ लिस्टों-समजों लोगोसे बिन बैसोआबो खम जादों।

फारहान अख्तारआ तुफाननि रिलीस अक्टखौ फोसावबाय

गोदान दिल्ली, 16 जून: बलिउड फावखुंगुर फारहान आख्तारनि सावथुन तुफानखौ फेन्सफोर गोसो गुडुडै नेनानै दड। बेनि गेजेरावनो फावखुंगुरआ बेनि रिलीस जागोन अक्टखौ फोसावनाय होदों। फारहानआ सावथुननि मोनसे गोदान पस्टजों लोगोसे बे खौराखौ शेयार खालामदों। फारहाननि पस्टनि बायदिब्ला तुफानखौ



थिएटरफोरनि अनगायै 16 जुलाइआव एमेजन प्राइम भिडिआव रिलीस खालामनाय जागोन। फारहाननि बे पस्टआ भाइरेल जाखांबाय। फेन्सफोरनि अनगायै बलिउड स्तरफोर बे पस्टआव रिक्ट खालामदों। फारहानआ तुफाननि रिलीस अक्टखौ फोसावनाय लोगो लोगोनो फेन्सफोरजों लोगोसे बलिउड स्तरफोरबो कमेन्ट खालामनानै गाव गावनि गोजोनानायखौ फोरमायदों। फारहाननि पस्टआव फावखुंगुर श्रुतिक रशनआ कमेन्ट खालामनानै लिस्टों-बेखौ नेनो हालिया। श्रुतिक रशननि अनगायै सिद्धान्त चतुर्बेदी, दिया मिर्जा, करण टेकर, जया आख्तारआ फायर आरो हार्टनि इमजीखौ शेयार खालामनानै कमेन्ट होदों।

डिजिटल थगायनायजों जुजिनो थाखाय मिरु मावख'आ साइबार सेफ एफ बानायदों

करना भाइरासनि गेजेरावनो दैज्लां बोथोरनि बेरामनि जेंनाया बांदों

गोदान दिल्ली. 16 जून : नख'र मावख'आ साइबार सेफ एफ बानायबाय। बेयो डिडिटल थगायनायजों जुजिनो आरो डिजिटल लिन गेजेरजों रां गथायनायखौ रैखाथि गोनां खालामनो थाखाय मोनसे गोख्रों हाबाफारि लादों। बे एफआ दर 18 राइज्योफोराव आरो मिरुजों खुंजानाय राइज्योफोराव गोसारना थानाय मोनसे गासै भारतीय थगायनाय हान्जानि गोहोमखौ गुन गैयै खालामगोन। थामहिनबा डिजिटल लिन गेजेरजों थगायग्राफोरा थगायनो हानाय नड। गिबि अभियानआव दर 18 राइज्योफोराव सांग्रां जानानै थानाय साइबार थगायग्राफोरनि गिदिर हान्जाफोरा सोरांआव



फैदों। नख'र मावख'आ साइबार रैखाथि फसंथानजों लोगो नांना माखासे राइज्योफोरनि पुलिस, फिन टेक (रांखान्थि टेकन'लजि) कम्पनीफोर आरो नायबजिरग्रा एजेन्सिफोरआ सा 350 दायनिगिरिफोरखौ सिनायथिदों, जायनि सा 8 खौ हमनायवो

जाबाय। बिसोरनिफ्राय गं 333 मबाइल फन आरो गासै 100 बेंक एकाउन्टखौबो सीस खालामदों। साइबार सेफआ मोनसे एफ आरो बे मुडैनो वेबसाइटबो दं। बेजों नख'र मावख'नि सिडव फैनाय एफ आइ सि एन कअर्डिनेसन सेन्टर (एफकई) आ आगस्ट 2019 आव थियारि खालामजदोंमोन। सरासन्त्रायै एफकईनि गाहाय थांखिया नकल भारतीय रांखान्थि नटफोरखौ संदानाय आरो बेनि हें थायै नायबजिरनायाय एजेन्सिफोरनि गेजेराव मदत होलायनायमोन। नाथाय उनाव एफकई आ गावआरि एजेन्सिफोरजों लोगो लाना साइबार थगायनायनि केसनि रियेल टाइम खौरांखौ फोरमायनाय आरो दायनिगिरि फोर निजिसम

सौहैनायाव मदत मोन्यायनि थाखाय साइबार सेफ एफखौ थियारि खालामदों। आथिखालाव हादतनि 19 राइज्योफोरनि पुलिसजों लोगोसे हादतनि 3,000 नि बांसिन रैखाथि एजेन्सिफोर बेजों लोब्बा दं। बेजों लोगोसेनो गं 18 फिनटेक कम्पनीफोराबो बेयाव दंफाया। साइबार सेफआव थगायनायजों लोब्बा गोनां गं 65 रोजा मबाइल फन आरो 55 रोजा फन नाम्बार्नि डाटाखौ मोनो हायो। आथिखालाव साइबार सेफखौ इउपिआइ डमेनजों सरजाबनो थाखाय नेसनेल फेमेन्स करपरेसन अफ इन्डियाजों सावरायनाय जादों। बेजों सरजाबनायनि उनाव साइबार सेफ क्राइमनि हें थायै आरो बांसिन गोहोम गोनांसिन फोरमान जानो हागौ।

गाहाय मन्थि मदिया 18 जूनआव कास्टमाइज्ड क्रेश कर्स प्रग्राम लन्स खालामगोन




गोदान दिल्ली, 16 जून : गाहाय मन्थि नरेन्द्र मदिया 18 जूननि फुनि 11 रिगायाव फ्रन्टलाइन वाकासनि थाखाय कास्टमाइज्ड क्रेश कर्स प्रग्रामखौ जागायगोन। दर 26 राइज्योफोराव गं 111 ट्रेनि होग्रा मिरुफोरजों लोगोसे बे हाबाफारिनि थांखिया हादतनाडै से लाखनि बांसिन कभिड दावहारफोरनो ट्रेनि होनाय। गाहाय मन्थि मावख'निफ्राय फोसावनाय फिननाय होनायाव बुंदोंदि, गाहाय मन्थिया बे हाबाफारिखौ फुनि 11 रिगानिफ्राय कनफोरन्सनि गेजेरजों जागायगोन। गुबुन मोनसे फिननाय फोसावबावनानै गाहाय मन्थि मावख'आ बुंवावदोदि, पिएम केयर्स फान्ड ट्रास्टआ डिआरडिअनि फार्सेनिफ्राय सोनाव बंगनि मुसिदाबाद आरो कल्याणीआव 250 बेड गोनां गंने अरायथा नडै कभिड देहा फाहामसालि गायसन्तो थाखाय 41.62 कौटि रां जगायना गंनो थांखि लादों। बेनि थाखाय राइज्यो सरकार आरो मिरु सावसि मावख'नि गेजेरजों गुदिबिथा हेफाजाबबो जगायना हानाय जागोन। बे हाबाफारिनि थांखिया हादतनाडै से लाखनि बांसिन कभिडनि दावहारफोरनो सोलो आरो आदब खायदा जगायना होनाय। हम केयार सापर्ट, बेसिन केयार सापर्ट, एडभास केयार सापर्ट इमारजेन्सि केयार सापर्ट, सेम्पल कालेक्सन सापर्ट आरो मेडिकल इक्विपमेन्ट सापर्ट बाइदिफोरनि ट्रेनि होनाय जागोन।

श्रीनगरनि नौगावआव रैखाथि हान्जाआ सासे उतखारिखौ गावथारो

जम्मु काश्मीर, 16 जून : जम्मु-काश्मीरनि नौगावआव रैखाथि हान्जा आरो उतखारिफोरनि गेजेराव जानाय गावनायाव बुधबाराव सासे उतखारिया थैयो। काश्मीर जन पुलिसनि बायदिल्ला, थैनाय उतखारिनि मुड उजेर अशरफ दार। बिनिफ्राय गंसे पिस्टल, गंसे गला बारुदनि मेगजिन, 6 राउन्ड आरो थरनै ग्रेनेड नागिरना मोनो। बे ओन्सोलाव आथिखालाव सानै उतखारिफोर थाखोमानानै थानायनि खौरां मोनो। बेनि खायनो रैखाथि हान्जाया ओन्सोलाखौ बेंखन्ना लानानै गोख्रों अपारेसन जागायो। निउज एजेन्सिनि बायदिल्ला, श्रीनगरनि नौगावआव थांनाय



मंगलबारखालि जम्मु काश्मीर पुलिस आरो मिरुयारि रिजार्भ पुलिस फर्स (सिआरपिफ) आ उतखारिफोर थाखोमानायनि खौरां मोन्दोंमोन। बिनि उनाव बेयाव गोख्रों अपारेसन जागायदोंमोन। बे समाव उतखारिफोरा रैखाथि हान्जानि सायाव गुलि गावनो जागायो। बेनि सिगां थांनाय 12 जुनाव बारामुलायाव उतखारिफोरा पुलिस आरो सिआरपिफनि हान्जाखौ नोजोर होदोंमोन। सपरआव उतखारिफोरनि फार्सेनिफ्राय खालामनाय फायरिडव सानै पुलिस मावसुमाफोरा जोखोम जादोंमोन आरो सानै नोगोरारिफोराबो थैदोंमोन। बे गाग्लोबनायाव लस्कर तैयबानि उतखारिफोरनि आखाय दडमोन। बे गाग्लोबनायाव सानै पुलिस मावसुमाफोरा जोखोम जादोंमोन।



थानो हागौ। चिकनगुनिया आरो डेंगुया भाइरासजों जाग्रा एवा सन्देग्रा बेराम, नाथाय बेफोरो बेक्टर बार्न डिजिज जाय थाम्फै अरनायनिफ्राय जायो। डेंगु जायोब्ला गिबियावनो गोख्रों मोदोम दुंखावनाय जायो, खर'सानाय आरो मेगननि सिंआव सानाय मोनो। लोगोसे प्लेटलेटसआ खमजानायनि

जाहोनाव देहा सोलेराव दागो दाला सोमजिखाडो। चिकनगुनियाआवबो जरा रजा सानाया गोबां जायो। नाथाय मोनैबो बेरामआव सिगां समाव सान 2-3 आ गोख्रों मोदोम दुंखावनाय जायो। गोख्रों खर'सानाय आरो गोजानानै थोर थोर मावखानायजों लोगोसे गोबां मोदोम दुंखावनायफोरा

मेलेरियानि लोक्षोन। बेनि उनाव दसे समनि उन उनाव बेबादिनो मोदोम दुंखावनाय जायो। पिलिया जायोब्ला हेपेटाइटिस ए जानो हागौ। बेयो लिभारनि जिबिखिफोराव इनफेक्सन जानायनि जाहोन जायो। बे बेरामनि जिउसयाया गाजि जानाय जाग्रा आदारनि मुवाफोरनिफ्राय आरो लॉनाय दैखौ फुदुआ जासे एवा फिल्टर खालामा जासे लोडोब्ला देहा सिडव थाडो। लिभारआव बेराम जानायनि जाहोनाव थैयाव बिलरुबिननि बिबाड बाडो। बेजों देहानि अंगखौ नीला गाब जानाय नुनो मोनो आरो पिलिया जायो। अखा बोथोराव बयनिखुइबो बांसिन इनफ्लुएन्जा। फ्लुनि केसखौ नुनो मोनो। बे बेराम जायोब्ला गगा मोन्याय, गुजुनाय जायो, मोदोम दुंखावो आरो ज'रा-ज'रा सानाय मोनो।

एस बि आइआ ए टि एम निफ्राय रां बख'नायाव गोबां टेक्स लानो थांखि लादों



गोदान दिल्ली, 16 जून : भारतीय स्टेट बैंक (एस बि आइ)आ बाहायगिरिफोरनि थाखाय फैगौ 1 जुलाइनिफ्राय माखासे नेमखान्थिफोरखौ सोलायनो थांखि लादों। गोदान नेमखान्थिया गोहोम गोनां जानायनि उनाव एटिएमनिफ्राय रां बखनाय आरो चेकबुकखौ बाहायनायव जेंना जानो हागौ। बेसिक सेभिस एकाउन्ट डिपजिट (बिएसबिडि) एकाउन्ट हल्डार्सनि थाखाय गोदान चार्ज लानाय जागोन। एसबिआइया बिएसबिडि एकाउन्ट हल्डारफोरआ मोनसे रांखान्थि

75 रां जिएसटि चार्ज लागोन। इमारजेन्सि चेक बुकआव गं 10 बिलाइफोरनि थाखाय 50 रां आरो जिएसटि होनांगोन। फार्सेथिं गागि नोगोरारिफोरनो चेकबुकनि गोदान टेक्स लानायनिफ्राय रेहाय होनाय जादों।

बोसोराव गां 10 चेकनि कपि मोनो। आथिखालाव गां 10 चेक गोनां चेकबुकआव चार्ज होनांसिगोन। बेंकआ गां 10 चेकनि बिलाइनि थाखाय 40 रां आरो जिएसटि चार्ज लागोन। 25 चेक लोबनि थाखाय बेंकआ

बाहुंखा, दै बाना आरो करना इन्फेक्सननि जाहोनाव सा करियाआव आंखालनि जेंना जानो हागौ

सियल, 16 जून : हादरनि सिमनाफोरा बन्द जानायजों फालांगिफोरा दावखलायदों, बेराफार्से बाहुंखा आरो दै बाना आरो करनानि खोफोदजों सा करियानि हालोदआ गाजि जादों। बेनि गेजेरावनो सा करियानि तानाशाह खुंगिरि किम जं उनआ हादरआव खग्रा आदारनि खोफोद नुजाथिनो हागौ होनानै हादरआव सांग्राथि होदों आरो सुबुंफोरखो कभिड-19 नि गोसारनायखौ होबथानो बिथोन फोसावनायफोरखौ मदद होनो खवलायदों। निकआ लोरबां जालानाय रांकाथि राहाखौ रैखाथि होनो माहारियारि नाजानायफोरनि सायाव सावरायनाय गाहाय राजखान्थि सन्मिलनआव बे बाध्राखौ बुंदों। सा करियानि मावख'यारि करियान सेन्ट्रेल मिउस एजेन्सिआ बुंदों, आथिखालनि हारियायारि तासारिजों सा करियाआ माबोरै मोगा-मोगि जागोन बेनि सायाव सावरायनो किम जं उनआ आर'ज गाबदों। अदेबानि एजेन्सिआ किमनि आमेरिका एवा खोला करियानि



सायाव सावरायनायनि सोमोन्दै फोरमायाखै। मख'जाथावदि, करना भाइरास इन्फेक्सनखौ नोजोर होनानै हादरनि सिमनाफोरखौ बन्द खालामनायनि जाहोनाव चीनजों फालांगिया थाबथानाय आरो सिगांनि गोलोम बोथोरव गले-गले बाहुंखा आरो दै बाना जानायनि जाहोनाव आबादफोर खहा जानायजों सा करियानि सिगांनिफ्रायनो दिदोमथि गैयै रांखान्थि राहाया आरोबाव दावखलायदों। सा करियानि थासारिखौ नायबजिरनाय जर'काफोरा आथिखालाव उखैहाबनाय जेंनानि थासारिजों बेंगलोबजानो थांगासिनो। खुंथायाव थानाय पार्टि आरो मिरु समिटिनि जथुमआव मंगलबारखालि किम जं उनआ बिबानगिरिफोरखौ आबाद दिहुन्थायखौ बांहोनायनि राहा दिहुन्नो खवलायनानै बुहोदि, हादरआव जाग्रा आदारनि मुवाफोरा जेंना जाबोनो हमदों।

हादतआव गं 50 मडिउलार हरिपताल बानायगोन, बेफोर हरिपतालआ सप्ताह थामनि गेजेराव थियारि जागोन

गोदान दिल्ली, 16 जून : करनानि थामथि दोहोनि सन्देह खालामनायनि गेजेरजों सरकारआ बेनिफ्राय बारग'नो थियारिफोरखौबो जागायबाय। भेक्सिन थुनायनि गोख्रैथिखौ बारानायनायजों लोगोसेनो आथिखालाव गासै हादत नाडै गं 50 मडिउलार हरिपताल खुलिनो थियारि खालामबाय। बे देहा फाहामसालिफोराव करना बेरामिफोरनि थाखाय आइसिड, अक्सिजेननि बेड आरो आइसेलेसन वार्डनि राहा लामा थागोन। आथिखालाव गासै हादतआव थांनाय सायख'नाय जायगाफोराव बे देहा फाहामसालिफोरखौ खुलिनाय जागोन। बे देहा फाहामसालिफोरा 2-3 दाननि गेजेराव थियारि जानो हागौ होन्ना मिजिं थिनाय जादों।



मडिउलार कनस्ट्रक्शनआव थानाय गासै आइटेमखौ बबेबा गोजान जायगायाव सिगांनिफ्राय बानायनाय जायो। जैरै बायदियै गंसे ख'था बानायनो थाखाय खिरखि,


अयाल, दरजा, बायदि बेसादफोरखौ सिगांनिफ्राय थियारि खालामनाय जायो। बेनि उनाव जेरावनो ख'थानि गोनांथि जायो, बेयावनो बे आइटेमखौ लानानै जमा खालामनानै खथा

बानायनाय जायो। बे आलादा आलादा बाहागोफोरखौ मडिउलार बुंनाय जायो आरो बे गासै हाबाफारिखौ मडिउलार कनस्ट्रक्शन बुंनाय जायो। बेराफार्से, आलादा आलादा

मडिउलारनि गेजेरजों बानायनाय देहा फाहामसालिखौ मडिउलार हरिपताल बुंनाय जायो। मडिउलार हरिपतालआवबो लागायनाय गासै मुवा-

आफगानिस्तानखौ इ याव होबथानानै भारतया एसिया कापनि क्वालिफायर्सनि थामथि बादायलायनायाव थादों

दहा, 16 जुन : भारतीय फुटबल टीमया एसिया काप 2023 नि क्वालिफायर्सनि थामथि राउन्डयाव सौहैबाय। भारतआ आफगानिस्ताननि हें थायै 1-1 इ गेलेदों। आफगानिस्ताननि गलकिपार अबेश अजिजिनि गोखों गल सोनायजों पइन्ट मोन्तो हानायखौ भारतीय टीमआ लाखिलांनो हायाखै। फिफा वर्ल्ड काप 2022 आरो एसिया काप 2023 नि क्वालिफायर्स मेचखौ दहायाव गेलेनाय जादों। मोनैबो टीमआ वर्ल्ड काप 2022 नि बादायलायनायनिफ्र 1 य बायजोआव थानादों। एफसि एसिया काप क्वालिफायर्सनि थामथि बादायलायनायाव सौहैनो थाखाय भारतनो इ, जेराव आफगानिस्ताननो देरहानायनि गोनाथि दंमोन। सुनिल छेत्रीनि सामलायनाय भारतीय टीमया बे इ बादायलायनायनि उनाव गुप इ याव थामथि सारियाव थानो हादों। भारतनि मुखव 8 था मेचफोरनि गेजेराव मोन 1 मेचखौ देरहानो हादों, मोन 4 इ गेलेदों आरो मोन 3 जेन्नायजों 7 पइन्टआव थादों। जेराव आफगानिस्तानआ बेसेबां मेचफोराव 6 पइन्टजों लोमोसे ब्रेथि सारियाव थादों। मेचनि 75 मिनिटयाव भारतीय हेफाजाबगिरिफोरनि गेजेराव बै समाव रंजानायनि दोहौ सोमजिदों, जेराव बलआ अजिजिनि आखायनिफ्र 1 य गलानाने बेनि फासै थाडो। भारतीय टीमआ बे पइन्टखौ बांदाय गोबाव समसिम



लाखिलांनो हायाखै आरो आफगानिस्तानआ हसेन जामानीनि गल सोनायजों 82 मिनिटयाव स्करखौ 1-1

खालामो। आफगानिस्तानआ जोबथा समाव गोखोडे गेलेयो। नाथाय भारतनि डिफेन्स लाइनआ बिनि गल सोबावनो

नागिरनायखौ होबथायो। भारतीय टीमआ आगुयाव गुपयाव 5 थि सारियाव थादोंमोन।

इउर' काप 2020 : मेटस हमेल्लसनि गल सोनायाव जार्मानीखौ फ्रान्सआ 0-1 जों फेजेन्दों

मिउनिख, 16 जुन : जार्मनि टीमआव फेफिननानै मेटस हमेल्लसआ गोखों गल सोनायनि मदतजों फ्रान्सआ इउर' फुटबल सेम्पियनसिप 2020 नि मेचयाव दैदेनग्रा हान्जाखौ 1-0 जों फेजेन्दों। आखा-फाखा डिफेन्डार हमेल्लसखौ बे टुर्नामेन्टनि थाखाय जार्मनि कच जकिम लुबआ टीमआव लाफादेरदोंमोन। नाथाय बेनि फेफिननाया मख' जाथावाव जायाखै। लुकास हर्नान्डएजनि क्रसखौ 20 मिनिटयाव फ्रान्सनि फरवार्ड काइलियान एमबाप्पेसिम सौहै नायखौ होबथानो नाजानायाव बियो गलखौ गोरोन्थियै गावनिने नेटआव सोहरो। लुबआ बुदों गाव




बिखौ दाय होया। मानोनो बेयो जेना गोनांमोन। बलआ गोबां गोखैयै खारदोंमोन आरो बेखौ बायजोआव बुखार हरनाया गोलै नडामोन। मोनै टीमआ गल सोनो नाजादों आरो फ्रान्सआ गरनै गल

जेन्नायनि उनाव फ्रान्सनि थाखाय गिबि बादायलायनाय मेचखौ गेलेदोंमोन। आथिखालाव जार्मानीआ पतुंगालजों जेराव फ्रान्सआ बुडापेस्टयाव हांगरीजों मेच बादायलायगोन।

इउर' कापयाव पतुंगालआ हांगरीखौ फेजेन्दों, क्रिस्टियान रनाल्डआ रेकर्ड बानायदों

बुडापेस्ट, 16 जुन : आगुनि देरहागिरि पतुंगालआ हांगरीखौ फेजेननानै इउर' कापआव देरहासात जानो हादों। पतुंगालनि केपेन आरो स्टा स्टाइकार क्रिस्टियान रनाल्डआ गरनै गल सोनो हादों, जेराव गरसे गलखौ राफेल गुरेइरआबो सोनो हादों। बेनि जाहोनाव मेचयाव पतुंगालआ हांगरीखौ 3-0 जों फेजेन्दों। गिबि हाफयाव मोनैबो टीमनि गेलेगिरिफोरा मोजाडै गेलेनानै दिन्थिफुदों। नाथाय गरसेबो गल सोनो हायाखै, नैथि हाफयाव जागायजेननायावनो रनाल्डनि



सामलायनाय टीमआ मोजाडै गेलेनानै दिन्थिफुदों हादोंमोन। बेनि गिबि गोहोम गोलैनायखौ नुनो मोनो जेब्ला 84 मिनिटयाव पतुंगालनि राफेल गुरेइरया गल सोनानै टीमखौ आवगय होयो। बिनि उनाव हांगरीनि टीमनि सायाव गल सोनायनि नासिनथाया बांदोंमोन आरो बियो पेनाल्टी होयो। 87 मिनिटयाव रनाल्डआ बेनि फुरा मुलाम्फाखौ लायो आरो पेनाल्टीयाव गल सोनानै इउर' कापयाव 10 था गल सोनो हानाय गिबि गेलेगिरि जायो। बेनि उनावबो रनाल्डया

थाबथाना थायाखै आरो बियो इन्जुरि समाव गरसे गल सोबावनानै टीमखौ 3-0 जों देरहा होयो। गरसे गल सोखांनयनि उनाव हांगरीनि टीमया फेफिनो हायाखै आरो बियो जेन्नायजों मोगा मोगि जानादों। बे देरहानायजों लोमोसे पतुंगालनि टीमआ गुप अफ डेथ बुंजानाय गुप एफयाव गावनि गिबि बादायलायनायाव देरहानानै 3 पइन्ट आरो गिबि सारियाव थानो हादों। बे गुपआव पतुंगाल, हांगरीनि अनगायै जार्मानी आरो फ्रान्स बादि गोखों टीमयाबो दंफा


देरो। इउर' कापयाव पतुंगालनि केपेन क्रिस्टियान रनाल्डआ हांगरीजों लोमोसे मेचनि सिगां मोगा-मोगि जानाय समाव कका कलानि गंनै बतलखौ बोखारनानै गाहायाव जोनो, जायखौ नुनानै बिजों लोमोसे मोगा मोगि जानायाव जिराय फानाय पतुंगालनि कचआ गोमोयो। रनाल्डआ बुदों गाव हाथाय बाजारनि जाग्रा लोंग्रा आदारखौ मोजां मोनया आरो मोजां जाग्रा आदार जानानै फिट आरो गाहाम देहायै थानो खौरांनो होदों।

अलिम्पिक मेचयाव फाइनालनि सिगां जुदि गेलेगिरिफोरनाव करना इनफेक्सन जाब्ला सिल्भार मेडलजोंनो गोजोन नांगोन

टकिय, 16 जुन : हरिमयायि अलिम्पिक समिति (आइओसी) नि गेलेमु बिथोनगिरि कित मेकनेलआ अलिम्पिक गेलेमुनि नेमखास्थि



वर्ल्ड टेस्ट सेम्पियनसिपखौ भारतनि सा 2 गेलेगिरिफोरा देरहा होनो हागोन : गाबस्कार



गोदान दिल्ली, 16 जुन : भारतनि बेटि खालामग्रा सुनिल गाबस्कारआ हमदंनो लादोंदि, साउथेमप्टननि गोबां गरमयाव निउजिलेन्डनि हेंथायै वर्ल्ड टेस्ट सेम्पियनसिप फाइनालाव भारतीय टीमनिफ्राय रविन्द्र जाडेजा आरो रविचन्द्रन अश्विन सानैखौबो गेलेहोनो हागोन। मानोना पिचआ लासै लासै रानखांनयनि उनाव स्पिनार फोरखौ मदद खालामगोन। गाबस्कारआ 18 जुननिफ्राय जानो गोनां मेचनि कमेन्ट्रि पेनेलनि सोद्रोमा आरो बे समाव साउथेमप्टनया दं। साउथेमप्टनआव थांनय माखासे साननिफ्रायनो गोबां गरम जादों। भारतीय गेलेगिरिफोरा गावजों गाव मेचनि हुदा खालाम लायदों। टीमयाव लाइमोन आरो रोंगोथि गोनां गेलेगिरिफोर दं आरो

माखासे गेलेगिरिफोरा इलेन्डयाव मेच गेलेखांबाय। गाबस्कारआ हमदंनो लादोंदि, तामिलनाडुनि बे स्पिनारखौ बल खुबैनायखौ नायनाया बेसेबांनो गोहोम गोनां जागोन, जेसेबां इरापल्ली प्रशान्ना आरो हर भजन सिंनि बल खुबैनायखौ नायनाया गोहोम

गोनां जायो। बिसोर गासैबो मोजां बल खुबैगिरि। प्रसन्नखौ सोलोगोरा। सियाल बुंनय जायोमोन। मानोना बियो बेटि खालामग्राखौ गात्रि शट गेलेनो थाखाय फुस्लायनायाव आखा फाखामोन। हरभजन सिंयाबो बल खुबैनायाव सोलोगोरामोन।

उइम्बिलन्डन फाइनालनि थाखाय 100 जौखोन्दो नायगिरिफोरा मेच नायनो गनायथि मोनगोन

लन्डन, 16 जुन : फेनो गोनां दानाव जानो गोनां उइम्बिलन्डन ग्रेन्डस्लेमयाव आइजो आरो हौवा फाइनालसयाव सा 15000 नायगिरिफोरा सेन्टार कर्टयाव हाबनो गनायथि मोनगोन। थांनय बोसोरारव करना इनफेक्सननि जाहोनाव बे ग्रेन्डस्लेमखौ दोन्थ'नांदोंमोन। ग्रासकर्ट ग्रेन्ड स्लेम उइम्बिलन्डनआ 28 जुननिफ्राय जागायजेनगोन जेराव जागाय जेन्नायाव 50 जौखोन्दो नायगिरिफोरा मेचखौ नायनो गनायथि मोनगोन। 10 आरो 12 जुलाइयाव आइजो आरो हौवा सिंग्लेस फाइनालाव 100 जौखोन्दो नायगिरिफोरा सेन्टार कर्टवआ हाबनो गनायथि मोनगोन। ब्रिटिस



सरकारआ बे बाथ्राखौ फोसावदों। बेजों लोमोसेनो इउर' पियान फुटबल सेम्पियनसिप आरो गुबुन गुबुन मेचयावबो नायगिरिफोरनि अन्जिमाखौ बाहोदों। हरिमु मन्थि अलिबर डडेनआ मोनसे

बिबुंथियाव बुदों मेचखौ मा रोखोमै खुंनया रैखाथि गोनां जागोन, बेखौ दिन्थिनो गोसो जादों। आथिखालाव गोबां सुबुंफोरा इउर' आरो विम्बलडन मेचखौ नायनो हासिगोन।

दुंखावनायनि जाहोनाव आर्कटिक लैथोमानिफ्राय बरफआ आवलि लांगोन

बार्लिन, 16 जुन : मुलुगनाडे बुहुम दुंखावनायजों ख'हा जानाया आथिखालाव ओरैबादि थाखायाव सौहैदों, जायखौ थिक खालाम फिनो हानाय नड। जों बे सोलायनाय आरो खहाजोंनो थांन थांनगोन। आर्कटिकखौ संदानग्रा हान्जानि दैदेनगिरि प्रफेसार मार्कस रेक्सआ बुदों, आर्कटिकयाव गरमजों लैथोमानिफ्राय बरफ आवलिनाया जेना गोनां। फेनो गोनां माखासे बोसोरनि गेजेराव लैथोमानिफ्राय



गरम जानायनि जाहोनाव बरफआ गोमालांगोन। बिगियानगिरिफोरा नर्ट पलनिफ्राय गोमोथाव फोरमानखौ लानानै फेदों, जायनिफ्राय मोनथिनो मोननाय जायोदि माखासे जौथायनि गेजेरावनो आर्कटिक लैथोमानिफ्राय गरमजों बरफआ गोमालांगोन। बे टीमआ गावजों लोमोसे संदानयाजों सोमोन्दो थानाय 150 टेराबाइट डेटा आरो बरफनि 1,000 निफ्राय बांसिन सेम्पलखौ लानानै फेदों।

गासिबो हरिमयायि संघनो फोरमायनाय जागोन। मेक्नेलआ इयुननि नेमखास्थिनि सोमोन्दे फोरमाय बावदोंदि, जुदि सोरबा गेलेगिरिया करनानि जाहोनाव बाहागो लानो हायाखैब्ला, डिस्कवालिफाइनि जायगायाव बियो मेच गेलेनो नाजायब्ला डिड नट स्टार्ट लिरनाय जागोन। मानोना करना इनफेक्सन जानाय बे गेलेगिरि एबा टीमनि जेबो दाय गैया। बेनि अनगायै सोरबा गेलेगिरिआ बायजोआव थानांब्ला बिनि जायगायाव लांदाडैनो थागोन। बेनि अनगायै जुदि मांबेबा सेमिफाइनालाव बाहागो लानो हायाखैब्ला बिनि जायगाखौ क्वार्टर फाइनालाव गेलेनाय टीमया लानो हागोन। जुदि सोरबा गेलेगिरिया मेडेलनि बादायलायनाय मेचयाव करनार्जों इनफेक्सन जानाय मोनब्ला बिनो गाहाय थाखोनि हि साबै मेडेलखौ होनाय जागोन। बेनि उल्टायै जुदि गेलेगिरिया करनाने नेमखास्थिखौ सिफायब्ला, बिनि सायाव होबथानायनिबो नेमखास्थि दं। मख'नो गोनांदि, प्लेबुकआव गेलेगिरिफोर आरो बिबानगिरिफोरनि थाखाय करनार्जों सोमोन्दो थानाय बिथोन होनाय जादों।